

四庫全書

經部

欽定四庫全書

經部
春秋集傳釋義大成卷九

詳校官鴻臚寺少卿臣梁景陽

給事中臣溫常綬覆勘

總校官進士臣繆琪

校對官修撰臣吳錫齡

謄錄監生臣王鍾岱

欽定四庫全書

春秋集傳釋義大成卷九

元俞臯撰

襄公

名午成公子母定姒在位三十一年子野立居喪過毀而卒屬子稠立是為昭公臨法因

事有功辟土

有德曰襄

己丑元年春王正月公即位

書即位者言猶受國於先君也教梁傳繼正即位正也

仲孫蔑會晉欒黶宋華元衛甯殖曹人邾人滕人

薛人圍宋彭城

甯氏殖名衛三命大夫彭城宋邑楚取以封魚石故諸國伐而圍之孫氏曰書

衆彭城所以杜強臣抑叛臣也左氏傳非宋地追書也於是為宋討魚石故稱宋且不登叛人也謂之宋志

彭城降晉晉人以宋五大夫在彭城者歸寘諸穀丘公羊傳為宋誅也其為宋誅奈何魚石走之楚楚為之伐宋取彭城以封魚石魚石之罪奈何以入是為罪也楚已取之矣曷為繫之宋不與諸侯專封也穀梁傳繫彭城於宋者不與魚石正也胡氏傳案左氏曰非宋地追書也然則書圍彭城者魯史舊文也曰圍宋彭城者仲尼親筆也楚已取彭城封魚石戍之三百乘矣則曷為繫之宋楚不得取之宋魚石不得受之楚雖專其地君子不登叛人所以夏晉韓厥帥師伐鄭仲孫蔑正疆域固封守護王度也

會齊崔杼曹人邾人杞人次于鄆

晉韓厥伐鄭而東諸侯之師次于鄆以為

援且備楚也韓氏厥名晉三命大夫鄆杜氏曰鄭地陳留襄邑在今汴梁路睢州襄邑縣之東南左氏傳晉韓厥荀偃帥諸侯之師伐鄭入其郛敗其徒兵於洧上於是東諸侯之師次于鄆以待晉師晉師自鄆以鄆之

師侵楚焦夷及陳晉侯衛侯次于戚以為之援胡氏
傳楚人釋君而臣是助事已悖矣晉於是乎降彭城以
魚石等歸遂伐鄭而諸侯次于鄆此皆倣於義而行者
也傳書楚子辛救鄭而經不書者鄭本為楚以其君之
故親集矢於目矣是以與楚而不戴也棄中國從蠻夷
不能以大義裁之惟私欲之從則鄭無可救之善楚不
能有能救之名經所以削之不言救也

秋楚公子壬夫師師侵宋

楚公子名壬夫

三命大夫也侵宋救彭城也左氏傳楚子辛救鄭侵宋呂留鄭子然侵宋取犬丘九月辛酉天

王崩

周簡王崩太子泄心立是為靈王

邾子來朝

左氏傳邾子來朝禮也

冬衛侯

使公孫剽來聘晉侯使荀罃來聘

衛公孫名剽三命大夫也天王崩而朝聘

不廢諸侯皆不臣可知矣左氏傳衛子叔晉知武子來聘禮也凡諸侯即位小國朝之大國聘焉以繼好結

信謀事補闕禮之大者也。胡氏傳：簡王崩，赴告已反，藏在諸侯之策矣。則宜以所聞先從而奔喪。今邾子方來修朝禮，衛侯、晉侯方來修聘事於王，喪若越人視秦人之肥瘠，曾不與焉。而左氏以為禮，此何禮乎？滕定公薨，世子定為三年喪，父兄百官皆不欲，曰：「吾宗國魯先君莫之行也。」喪紀益廢，民習於耳目而不察，故後世以日易月，人子安而行之，不知春秋之義。無君臣之禮，豈不惜哉？

庚寅二年春王正月葬簡王

五月葬連非禮也

鄭師伐宋

左氏傳鄭師侵

宋楚令也夏五月庚寅夫人姜氏薨

劉氏曰：齊姜成公夫人也。九年穆姜薨，乃宣公

夫人也。婦先姑薨，世容有之。左氏傳：初穆姜使擇義，櫛以自為櫛，與頌琴、季文子取以葬。君子曰：「非禮也。」禮無所逆。婦養姑者也。虧姑以成婦逆，莫大焉。詩曰：「惟哲人告之。」話言順德之行。季孫於是為不哲矣。且姜氏

君之妣也詩曰為酒為醴烝
畀祖妣以洽百禮降福孔偕
六月庚辰鄭伯踰卒成公

子髡完立是為僖公
晉師宋師衛甯殖侵鄭晉主兵故先序晉宋

將卑師眾故書師衛將尊師少故書將帥名氏伐人之
喪罪自見矣曰書名為貶者非也穀梁傳其曰衛甯

殖如是而稱
秋七月仲孫蔑會晉荀罃宋華元衛孫林
于前事也

父曹人邾人于戚謀鄭也左氏傳謀鄭故也孟獻子曰請城虎牢以偏鄭知武子曰善鄆

之會吾子聞崔子之言今不來矣滕薛小邾之不至皆
齊故也寡君之憂不唯鄭罃將復於寡君而請於齊得

請而告吾子之功也若不得請事將在齊
吾子之請諸侯之福也豈唯寡君賴之
已丑葬我小

君齊姜齊謚也三月葬連簡也左氏傳齊侯使諸姜宗婦來送葬召萊子萊子不會故晏弱城東陽

以偪之 公羊傳齊姜者何齊姜與繆
姜則未知其為宣夫人與成夫人與

叔孫豹如宋

左氏

傳通嗣

冬仲孫蔑會晉荀罃齊崔杼宋華元衛孫林父

曹人邾人滕人薛人小邾人于戚遂城虎牢

晉楚爭鄭五十餘年

反覆無常盟誓不能以信結侵伐不能以威服故復會
于戚遂城虎牢以迫之也虎牢東號之邑鄭滅虢為制
邑在今汴梁路鄭州汜水縣程子曰設險所以守國也
有虎牢之險而不能守故不繫鄭責其不能守也 左

氏傳齊崔武子及滕薛小邾之大夫皆會知武子之言
故也遂城虎牢鄭人乃成 公羊傳虎牢者何鄭之邑

也其言城之何取之也取之則曷為不言取之為中國
諱也曷為為中國諱諱伐喪也曷為不繫乎鄭為中國

諱也大夫無遂事此其言遂何歸惡乎大夫也 穀梁
傳若言中國馬內鄭也 胡氏傳虎牢鄭地故稱制邑

至漢為成臯今為汜水縣巖險聞於天下猶虞之下陽
趙之上黨魏之安邑燕之榆關吳之西陵蜀之漢樂地
有所必據城有所必守而不可以棄焉者也有是險而
不能守故不繫于鄭然則據地設險亦所貴乎天險不
可升也地險山川丘陵也王公設險以守其國大易之
訓也城郭溝池以為固君子之所謹也鑿斯池築斯城
與民同守孟子之所以語滕君也夫狡焉思啟封疆而
爭地以戰殺人盈野爭城以戰殺人盈城者固非春秋
之所貴守天子之土體先君之世不能設險守國將至
於遷潰滅亡亦非聖人之所與故城虎牢而不繫於鄭
程氏以為責鄭之不能有其聖
人以待衰世之意小康之事邪

楚殺其大夫公子申

公子名申三命大夫左氏傳楚公子申為右司馬多
受小國之賂以偪子重子辛楚人殺之故書曰楚殺其

大夫公

子申

辛卯三年春楚公子嬰齊帥師伐吳

左氏傳楚子重伐吳為簡之師克鳩茲至

于衡山使鄧廖帥組甲三百被練三千以侵吳吳人要而擊之獲鄧廖其能免者組甲八十被練三百而已子重歸既飲至三日吳人伐楚取駕駕良邑也鄧廖亦楚之良也君子謂子重於是役也所獲不如所亡楚人以是咎子重子重病之遂遇心疾而卒

公如晉

左氏傳始朝也

夏四月壬戌公及晉

侯盟于長樗公至自晉

晉悼公不欲與公盟于晉都故出國都而與公盟也長樗晉地

張氏曰孟獻子魯之賢大夫尚不知君臣之義以相其君所謂不知先立其大者也

左氏傳孟獻子相公稽

首知武子曰天子在而君辱稽首寡君懼矣孟獻子曰以敝邑介在東表密邇仇讎寡君將君是望敢不稽首

六月公會單子晉侯宋公衛侯鄭伯莒子邾子齊世子

光已未同盟于雞澤

單子周卿也單畿內采地子爵雞澤杜氏曰晉地今廣平路雞澤縣

晉悼公復伯始於此盟程子曰楚彊諸侯皆畏之而同盟朱子曰襄公之世晉悼公出來整頓一番楚始退去

左氏傳公會單頃公及諸侯已未同盟于雞澤晉侯使荀會逆吳子于淮上吳子不至穀梁傳同者有同

也同外楚也胡氏傳同盟或以為三例一則王臣預盟而書同二則諸侯同欲而書同三則惡其反覆而

書同夫惡其反覆與諸侯同欲而書同信矣王臣預盟而書同義則未安盟于女栗及蘇子也而不書同然則

此三盟者正所謂諸侯同欲而書同盟也其同欲奈何同病楚也會于柯陵之歲夏伐鄭楚人師于首止而諸

侯還冬伐鄭楚人師于汝上而諸侯還雞澤之盟陳袁僑如會楚師在繁陽而韓獻子懼平丘之行楚棄疾立

復封陳蔡而中國恐是知此三盟者諸侯皆有戒心而修盟故稱同不以尹子單子劉子亦預此盟而譏之也

夫王臣將命必悖信明義而後可以表正乎天下諸侯守邦必尊主奉法而後可以保其社稷今主臣下與諸侯約誓諸侯亦敢上與王臣要言斯大亂之道也則亦不待書同盟而罪自見矣

陳侯使袁僑

如會戊寅叔孫豹及諸侯之大夫及陳袁僑盟

諸侯已盟而袁

僑方至故豹及諸侯之大夫與之盟也

諸侯在會而大夫專盟始於此左氏傳楚子辛為令尹侵欲於小國

陳成公使袁僑如會求成晉侯使和組父告於諸侯秋叔孫豹及諸侯之大夫及陳袁僑盟陳請服也

公羊

傳其言如會何

後會也昌為殊及陳袁僑為其與袁僑盟也穀梁傳如會外乎會也於會受命也以及與

之也諸侯以為可與則與之不可與則釋之諸侯盟又大夫相與私盟是大夫張也故雖澤之會諸侯始失正

矣大夫執國權曰袁僑異之也

秋公至自會

過時也

冬晉荀罃帥師伐許

許從楚故雞澤之盟許男不至於是乎晉伐之左氏傳許靈公事楚不會于雞澤冬晉知武子帥師伐許

壬辰四年春王三月己酉陳侯午卒成公名午子溺立是為哀公左氏傳楚

人將伐陳聞喪乃止陳人不聽命臧武仲聞之曰陳不服於楚是必亡大國行禮焉而不服在大猶有咎而況小

乎夏楚彭名侵陳陳無禮故也胡氏傳午者襄公名

也孔子作春秋在哀公之世襄公哀公之皇考也曷不

諱乎古者死而無諡不以名為諱周人以諡易名於是

乎有諱禮故孟子曰諱名不諱姓姓所同也名所獨也

然禮律所載則有不諱者夫子燕帝王之道參文質之

中而作春秋以法萬世如公薨不地滅國書取出奔稱

遜之類所以放其文也莊公名同而書同盟僖公名申

而書戊申定公名宋而書宋人之類所以從其質也後

世不明此義則有以諱易人之名者又有以諱易人之

姓者詩書則諱臨文則諱嫌名則諱二名則偏諱愚者

違禮以為孝詔者獻佞以為忠思
諱繁名實亂而春秋之法不行矣
夏叔孫豹如晉

左氏傳穆

叔如晉報知武子之聘也晉侯享之金奏肆夏之三不
拜工歌文王之三又不拜歌鹿鳴之三三拜韓獻子使
行人子貢問之曰子以君命辱於敝邑先君之禮藉之
以樂以辱吾子吾子舍其大而重拜其細敝國何禮也
對曰三夏天子所以享元侯也使臣弗敢與聞文王而
君相見之樂也臣不敢及鹿鳴君所以嘉寡君也敢不
拜嘉四牡君所以勞使臣也敢不重拜皇皇者華君教
使臣曰必諮於周臣聞之訪問於善為咨咨親為詢咨
禮為度咨事為諏咨難為謀臣獲五善敢不重拜
秋七月戊子夫人如氏薨

成公

妾襄公母也自成風始稱夫人嫡妾並稱魯於是乎有
兩夫人矣左氏傳不殯于廟無櫬不虞丘慶謂季文

子曰子為正卿而小君之喪不成不終君也君長誰受
其咎初季孫為已樹六殯於蒲圃東門之外丘慶請木

季孫曰略匠慶用蒲園之櫟季孫不御君子曰志所謂多行無禮必自及也其是之謂乎

葬陳成公

不書月

八月辛亥葬我小君定姒

定姒諡也姒姓杞之女季孫行父為政不能

正名而徒略喪速葬其亦三思之失歟

冬公如晉

左氏傳公如晉聽政晉侯享公公請屬鄫晉侯

不許孟獻子曰以寡君之密過於仇讎而願固事君無失官命鄫無賦於司馬為執事朝夕之命敝邑敝邑福小闕而為罪寡君是以願借助焉晉侯許之

陳人圍頓

左氏傳楚人使頓間陳而侵伐之故陳人

頃圍

癸巳五年春公至自晉

公歲首在晉而不書公在晉者晉猶可也至於在楚則甚矣書春公

至自晉則歲首在晉可知矣

夏鄭伯使公子發來聘

左氏傳鄭子國來聘通嗣君也

叔孫豹鄆世子巫如晉

魯欲以鄆為附庸故使叔孫豹同世子巫往請於晉也而晉侯

許之封爵升降天子之事也而盟主專之罪可知矣程

子曰列國有制皆統乎天子而魯鄆私相屬又稟命於

疆國罪莫大焉左氏傳穆叔覲鄆大子于晉以成屬

鄆書曰叔孫豹鄆世子巫如晉言比諸魯大夫也公

羊傳外相如不書此何以書為叔孫豹率而與之俱也

叔孫豹則曷為率而與之俱蓋舅出也曷將滅之故相

與往殆乎晉也曷將滅之則曷為相與往殆乎晉取後

乎莒也其取後乎莒奈何莒女有為鄆夫人者蓋欲立

其出也穀梁傳外不言仲孫蔑衛孫林父會吳于善

如而言如為我事往也

道晉悼公將合諸侯于戚故使魯衛先會吳以定會期

善道杜氏曰地缺鄭氏曰當是吳地左氏傳吳子

使壽越如晉辭不會于難澤之故且請聽諸侯之好晉

人將為之合諸侯使魯衛先會吳且告會期故孟獻子

孫文子會吳于善道穀梁傳吳謂善伊謂稻鰭號從中國名從主人秋大雩左氏傳楚旱也

殺其大夫公子壬夫

左氏傳楚人討陳叛故曰由令尹子辛實侵欲焉乃殺之書曰楚殺

其大夫公子壬夫貪也君子謂楚共王於是不刑詩曰周道挺挺我心扁扁講事不令集人來定已則無信而殺人以逞不亦難乎公會晉侯宋公陳侯衛侯鄭伯曹伯夏書曰成允成功

莒子邾子滕子薛伯齊世子光吳人鄫人于戚公至自

會

晉先序伯主也世子不可先諸侯故列滕薛之下吳人一命之微者也非為主故列序胡氏以為進之故

稱人非也鄫人亦豈進之乎公羊之說亦非也凡此皆據事直書必曲為進貶之說皆鑿矣程子曰吳來會非為主也故列序左氏傳盟于戚會吳且命戍陳也穆叔以屬鄫為不利使鄫大夫聽命于會楚子囊為令尹

范宣子曰我喪陳矣楚人討貳而立子囊必改行而疾討陳陳近於楚民朝夕急能無往乎有陳非吾事也無之而後可公羊傳吳何以稱人案左氏吳子使壽越如晉請聽諸胡氏傳吳何以稱人案左氏吳子使壽越如晉請聽諸侯之好晉人將為之合諸侯使魯衛大夫會吳于善道且告會期然則戚之事乃吳人來會不為主也來會諸侯而不為主則進而稱人諸侯往與之會而主吳則貶而稱國聖人之情見矣春秋之義明矣冬戍陳程子曰非王命而勤民遠戍罪也而善於戍陳何哉蓋陳附中國而楚爭之則戍之者在於助陳而拒楚與之可也孫氏曰不言諸侯而言魯戍之者與城楚丘之義同公羊傳孰戍之諸侯戍之曷為不言諸侯諸侯戍之離至不可得而序故言楚公子貞帥師伐陳公會晉我也數梁傳內辭也

侯宗公衛侯鄭伯曹伯齊世子光救陳十有二月公至

自救陳

會戚之後分兵戍陳楚於是乎加伐故諸侯復會親將以救之左氏傳子囊伐陳十一月甲

午會于城棣以救之

辛未季孫行父卒

季文子也左氏傳大夫入斂

公在位宰庀家器為葬備無衣帛之妾無食粟之馬無藏金玉無重器備君子是以知季文子之忠於公室也相三君矣而無私積可不謂忠乎

甲午六年春王三月壬午杞伯姑容卒

桓公名姑容子弓立是為孝公左

氏傳始赴以名同盟故也夏宋華弱來奔

華氏弱名宋三命大夫左氏傳宋華弱與樂轡少

相狎長相優又相謗也子蕩怒以弓楛華弱於朝平公見之曰司武而楛於朝難以勝矣遂逐之夏宋華弱來奔司城子罕曰同罪異罰非刑也專戮於朝罪孰大焉亦逐子蕩子蕩射子罕之門曰幾日而不我從子罕善

之如 **秋葬杞桓公**

杞小而去魯遠舊雖來赴而魯不往會葬今之會葬者蓋以婚姻之故也

叔姬嫁于杞定如乃杞女也

滕子來朝

左氏傳始朝公也

莒人滅鄆

將平師少故曰

莒人覆其宗社例書滅穀梁立異姓之說妄也凡此皆當據經穀傳不可案傳疑經也左氏傳鄆恃賂也

穀梁傳非滅也中國日卑國月夷狄時繒中國也而時非滅也家有既亡國有既滅滅而不自知由別之而不

別也莒人滅繒非滅也非立異姓以蒞祭祀滅亡之道也胡氏傳穀梁子曰莒人滅鄆非滅也立異姓以蒞

祭祀滅亡之道也公羊亦云莒女有為鄆夫人者蓋欲立其出也或曰鄆取莒公子為後罪在鄆子不在莒人

春秋應以梁亡之例而書鄆亡不當但責莒人也今直罪莒舍鄆何哉曰莒人之以其子為鄆後與黃歇進李

園之妹於楚王呂不韋獻邯鄲之姬於秦公子其事雖殊其欲滅人之祀而有其國則一也春秋所以釋鄆而

罪咎歟以此防民猶有以韓謚
為世嗣昏亂紀度如郭氏者
冬叔孫豹如邾左氏傳

邾聘且季孫宿如晉季孫氏宿名魯三命大夫趙氏曰
修平初嗣位而往見伯主也
左氏傳

晉人以鄆故來討曰何故亡
鄆季武子如晉見且聽命
十有二月齊侯滅萊君親

書爵呂氏曰晉悼公為盟主而莒滅鄆齊滅萊皆莫之
恤也
左氏傳萊恃謀也於鄭子國之來聘也四月晏

弱城東陽而遂圍萊甲寅埋之環城傳於堞及杞桓公
卒之月乙未王湫帥師及正與子棠人軍齊師齊師大

敗之丁未入萊萊共公浮乘奔棠正與子王湫奔莒
人殺之四月陳無宇獻萊宗器于襄宮晏弱圍棠十一

月丙辰而滅之遣萊于邾高厚崔杼定其田
公羊傳曷為不言萊君出奔國滅君死之正也

乙未七年春邾子來朝左氏傳始
夏四月三卜邾不從乃

免牲

卜郊不從免牲常也至於非常而三卜瀆矣左氏傳孟獻子曰吾乃今而後知有卜筮夫郊祀后

稷以祈農事也是故啟蟄而郊郊而後耕今既耕而卜郊宜其不從也穀梁傳夏四月不時也三卜禮也乃

者亡乎人之辭也

小邾子來朝

左氏傳亦始朝公也

城費

費魯地季氏邑今益都路沂州

費縣西北之古費城也

左氏傳南遺為費宰叔仲昭

伯為隧正欲善季氏而求媚於南遺謂遺請城費吾

與而役故季氏城費胡氏傳費季氏邑也紫左氏南

遺為費宰叔仲昭伯為隧正欲善季氏而求媚於南遺

謂遺請城費吾多與而役故季氏城費夫文子相三君

無衣帛之妾無食粟之馬無藏金玉無重器備則國忠

於公室而不顧其所食之私邑也及行父卒宿之不忠

遂專魯國之政羣小媚之無故勞民安興是役季氏益

張其後孔子行乎季孫三月不違至于帥師墮費其越

墮不度可知矣然則書城費乃履霜堅冰之戒墮私家

弱公室之萌據事直書而義自見矣
用人不惟其賢惟其世豈不殆哉
秋季孫宿如衛左氏

傳報子叔之聘且
辭緩報非貳也
八月螽蟲災也
冬十月衛侯使孫林父

來聘壬戌及孫林父盟

因來聘而盟未前定也
左氏傳衛孫文子來聘且拜武子之

言而尋孫桓子之盟公登亦登叔孫穆子相趨進曰諸侯之會寡君未嘗後衛君今吾子不後寡君寡君未知所過吾子其少安孫子無辭亦無後容穆叔曰孫子必亡為臣而君過而不後亡之本也詩曰退食自公委蛇委蛇謂從者也
楚公子貞帥師圍陳左氏傳楚子囊圍陳會于鄆以救之

十有二月公會晉侯宋公陳侯衛侯曹伯莒子邾子于

鄆鄭伯髡頑如會未見諸侯丙戌卒于鄆髡頑鄭伯名鄆鄆皆鄭邑

也為會欲以救陳而不克救也鄭伯卒三傳皆曰弑而
隱之愚竊恐其不然夫弑而偽赴經又復順其欲而不
彰則春秋非傳信之書也聖人討亂賊之義豈其然乎
若果據其偽赴而書則因舊史爾而胡傳變文旨微義
精之說亦過也左氏傳鄭唐公之為太子也於成之
十六年與子罕適晉不禮焉又與子豐適楚亦不禮焉
及其元年朝于晉子豐欲翹諸晉而廢之子罕止之及
將會于鄒子駟相又不禮焉侍者諫不聽又諫殺之及
鄒子駟使賊夜弑僖公而以瘡疾赴于諸侯簡公生五
年奉而立之公羊傳鄒者何鄒之邑也諸侯卒其封
內不地此何以地隱之也何隱爾弑也孰弑之其大夫
弑之曷為不言其大夫弑之為中國諱也曷為為中國
諱鄭伯將會諸侯于鄒其大夫諫曰中國不足歸也則
不若與楚鄭伯曰不可其大夫曰以中國為義則伐我
喪以中國為彊則不若楚於是弑之鄭伯頑原何以名
傷而反未至乎舍而卒也未見諸侯其言如會何致其

意也 穀梁傳未見諸侯其曰如會何也致其志也禮
諸侯不生名此其生名何也卒之名也卒之名則何為
加之如會之上見以如會卒也其見以如會卒何也鄭
伯將會中國其臣欲從楚不勝其臣弑而死其不言弑
何也不使夷狄之民加乎中國之君也其地於外也其
日未踰竟也日卒時葬正也 胡氏傳案鄭僖公三傳
皆以為弑而春秋書卒者左氏則曰以癘疾赴也公羊
則主為中國諱之說穀梁則主不使得加之說若左氏
之言是君弑而可以偽赴又順其欲而不彰則亂臣賊
子免於見討而春秋非傳信之書矣然則弑而書卒二
傳以為為中國諱不使夷狄之民加中國之君疑得聖
人之意顧習其說者未之察爾夫弑君之賊其惡不待
貶絕而自見矣見弑者豈無不善之積以及其身者乎
衛桓則以嫡母無寵宋瑒則以亟戰疲民齊襄則以行
同鳥獸鄭夷則以侮慢大臣蔡固則以淫而不父陳平
國則以殺諫臣而通于夏氏楚虔則以多行無禮奚齊

則以嬖孽而國人不之君吳餘祭則以輕近刑人而晉
州蒲欲盡去羣大夫而立其左右也若夫鄭僖公則異
於是矣中國者禮義之所出也嬖荊者狂僭之首惡也
僖公欲從諸侯會于鄆則是責禮義為中國之君也諸
大夫欲背諸夏與荊楚則是黨狂僭為逆亂之徒也以
中國之君而見弑於逆亂之徒豈有不善之積以及其
身者乎聖人至是傷之甚懼之甚故變文而書曰鄭伯
髡頑如會未見諸侯丙戌卒于鄆未見諸侯具曰如會
何致其志也諸侯卒於境內不地鄆鄭邑也其曰卒于
鄆見其弑而隱之也卒鄭伯逃歸陳侯謀救陳而不克故
公殺之義精矣存天陳侯逃歸諸侯謀救陳而不克故
理抑人欲之意遠矣陳侯畏楚而逃歸左
氏傳陳人患楚慶虎慶寅謂楚人曰吾使公子黃往而
執之楚人從之二慶使告陳侯于會曰楚人執公子黃
矣君若不來羣臣不忍社稷宗廟懼有二圖陳侯逃歸
穀梁傳以其去諸侯故逃之也胡氏傳穀梁子曰

逃義曰逃逃者匹夫之事上二年諸侯戍陳今楚令尹來伐諸侯又救之亦既勤矣為陳侯計者下令國中大神備立太子以固守親聽命於諸侯謀禦敵之策當是時晉君方明八卿和睦諸侯聽命必能致力於陳矣不此之顧棄儀衛而逃歸此匹夫之事耳夫義路也禮門也輕棄中國惟蠻夷之懼是不能由是路出入是門故書逃歸以罪之可謂深切著明矣

丙申八年春王正月公如晉

左氏傳公如晉朝且聽朝聘之數

夏葬鄭僖

公

僖公名髡頑子嘉立是為簡公

鄭人侵蔡獲蔡

公子燮

左氏傳鄭子國子耳侵蔡獲蔡司馬公子燮鄭人皆喜唯子產不順曰小國無文德而有武功

禍莫大焉楚人來討能勿從乎從之晉師必至晉楚伐鄭自今鄭國不四五年弗得寧矣子國怒之曰爾何知

國有大命而有正卿童子言焉將為戮矣公羊傳此

侵也其言獲何侵而言獲者適得之也穀梁傳人微

者也侵淺事也而季孫宿會晉侯鄭伯齊人衛人邾人

獲公子公子病矣于邢丘齊衛邾一命之微者故書人無褒貶邢丘鄭氏

曰河內平臯邢故都也今順德路內丘縣左

氏傳會于邢丘以命朝聘之數使諸侯之大夫聽命李

孫宿齊高厚宋向戌衛甯殖邾大夫會之鄭伯獻捷于

會故親聽命大夫不書尊晉侯也殺梁傳見魯之失

正也公在而大夫會也胡氏傳蘇轍曰晉悼公修文

襄之業改命朝聘之數使諸侯之大夫聽命於會大夫

稱人衆詞也朝聘之節儉而有禮衆之所安也臣則以

為大夫稱人貶之也昔周公戒成王以繼自今我其立

政立事夫不自為政而委於臣下是以國之利器示人

而不知寶也朝聘事之大者重煩諸侯而使大夫聽命

無乃以姑息愛人而不由德乎使政在大夫而諸侯失

國又豈所以愛之也後此八年渙梁之會悼公初沒諸侯皆在而大夫獨盟君若贅旒夫豈一朝一夕之故哉故邢丘之事魯公在晉而季孫宿會見魯之失正也諸侯之大夫貶而稱人謹其始也公至自晉

邢丘之會公在晉季孫出會莒人伐我東鄙爭疆也左氏傳以

田疆鄆秋九月大雩左氏傳冬楚公子貞帥師伐鄭為蔡報復

從楚子孔子螭子展欲待晉子駟曰周詩有之曰俟河之清人壽幾何兆云詢多職競作羅謀之多族民之多違事滋無成民急矣姑從楚以紓吾民晉師至吾又從之數共幣帛以待來者小國之道也犧牲玉帛待於二竟以待疆者而庇民焉冠不為害民不罷病不亦可乎子展曰小所以事大信也小國無信兵亂日至亡無日矣五會之信今將背之雖楚救我將安用之觀我無成

鄙我是欲不可從也。不如待晉。晉君方明，四軍無闕。八卿和睦，必不棄鄭。楚師邈遠，糧食將盡，必將速歸。何患焉？舍之，聞之，杖莫如信完，守以老楚，杖信以待晉，不亦可乎？子駟曰：「詩云：『謀夫孔多，是用不集。』」蔡言盈庭，誰敢執其咎？如匪行邁謀，是用不得于道。請從楚驪也。受其咎，乃及楚平，使王子伯駟告于晉。曰：「君命敝邑修而車賦，傲而師徒以討亂，畧蔡人，不從敝邑之人，不敢寧處。悉索敝賦以討于蔡，獲司馬鬻獻于邢丘。今楚來討曰：『女何故稱兵于蔡？焚我郊保，恐陵我城郭，敝邑之衆夫婦男女不遑啟處，以相救也。』」翦焉傾覆，無所控告，民死亡者，非其父兄，即其子弟。夫人愁痛，不知所庇，民知窮困而受盟于楚，孤也。與其二三臣不能禁止，不敢不告。知武子使行人子負對之曰：「君有楚命，亦不使一介行李告于寡君，而即安於楚君之所欲也。誰敢違君寡君將帥諸侯以見於城下？」唯君圖之。」胡氏傳：齊宣王問於孟子：「交鄰國有道乎？」孟子曰：「有。唯智者為能以小事。」

大故太王事獯鬻勾踐事吳以小事大畏天者也畏天者保其國鄭介大國之間困彊楚之令而欲息肩於晉若能信任仁賢明其刑政經畫財賦以禮法自守而親比四鄰必能保其封境荆楚雖大何畏焉而子耳子國加兵於蔡獲公子燮無故怒楚所謂不修文德而有武功者也楚人來討不從則力不能敵從之則晉師必至故國人皆喜而子產獨不順焉以晉楚爭鄭自茲弗得寧矣是以獲公子燮特書侵蔡以罪之而公子貞來伐鄭及楚平不復書矣平而不書以見鄭之屈服於楚而不信也犧牲玉帛待於境上以待彊者而請盟其能國乎

晉侯使士匄來聘

報公之朝也左氏傳晉范宣子來聘且拜公之辱告將用師于鄭

公享之宣子賦標有梅季武子曰誰敢哉今譬於草木寡君在君君之臭味也歡以承命何時之有武子賦角弓賓將出武子賦彤弓宣子曰城濮之役我先君文公獻功于衡雍受彤弓于襄王以為子孫藏匄也先君守

官之嗣也敢不承命君子以為知禮

丁卯九年春宋災

宋告故書左氏傳樂喜為司城以為政使伯氏司里火所未至徹小屋塗大

屋陳畚揭具鯁缶備水器量輕重蓄水潦積土塗廵火城繕守備表火道使華臣具正徒令隧正納郊保奔火所使華開討右官官庀其司向戌討左亦如之使樂邁庀刑器亦如之使皇鄭命校正出馬工正出車備甲兵庀武守使西鉏吾庀府守令司官巷伯儆宮二師令四鄉正敬享祀宗用馬于四墉祀盤庚於西門之外晉侯問於士弱曰吾聞之宋災於是乎知有天道何故對曰古之火正或食於心或食於味以出內火是故味為鵠火心為大火陶唐氏之火正閼伯居商丘祀大火而火紀時焉相土因之故商主大火商人聞其禍敗之釁必始於火是以日知其有天道也公曰可必乎對曰在通國亂無象不可知也公羊傳曷為或言災或言火大

者曰災小者曰火然則內何以不言火內不言火者甚之也何以書記災也外災不書此何以書為王者之後記災也穀梁傳外災不夏季孫宿如晉報聘也左志此其志何也故宋也氏傳報宣子

之聘
五月辛酉夫人姜氏薨秋八月癸未葬我小君穆

姜

穆姜宣公夫人成公之母也四月葬速簡也左氏傳穆姜薨于東宮始往而筮之遇艮之八三三史曰

是謂艮之三三隨隨其出也君必速出姜曰亡是於周易曰隨元亨利貞无咎元體之長也亨嘉之會也利義之和也貞事之幹也體仁足以長人嘉會足以合禮利物足以和義貞固足以幹事然故不可誣也是以雖隨無咎今我婦人而與於亂固在下位而有仁不可謂元不靖國家不可謂亨作而害身不可謂利棄位而姤不可謂貞有四德者隨而無咎我皆無之豈隨也哉我則取惡能無咎乎必死於此弗得出矣冬公會

晉侯宋公衛侯曹伯莒子邾子滕子薛伯杞伯小邾子

齊世子光伐鄭十有二月己亥同盟于戲

諸侯伐鄭討其從楚也鄭

又服故同盟戲杜氏曰鄭地

左氏傳諸侯伐鄭庚午

季武子齊崔杼宋皇鄭從荀蕢士句門于鄭門衛址官

括曹人邾人從荀偃韓起門于師之梁滕人薛人從樂

鰲士鮒門于北門杞人邾人從趙武魏絳斬行栗甲戌

師于汜令於諸侯曰脩器備盛饌糧歸老幼居疾于虎

牢肆青圍鄭鄭人恐乃行成中行獻子曰遂圍之以待

楚人之救也而與之戰不然無成知武子曰許之盟而

還師以救楚人吾三分四軍與諸侯之銳以逆來者於

我未病楚不能矣猶愈於戰暴骨以逞不可以爭大勞

未艾君子勞心小人勞力先王之制也諸侯皆不欲戰

乃許鄭成十一月己亥同盟于戲鄭服也將盟鄭六卿

公子騅公子發公子嘉公孫馭公孫蕢公孫舍之及其

大夫門子皆從鄭伯晉士莊子為載書曰自今曰既盟
之後鄭國而不唯晉命是聽而或有異志者有如此盟
公子駢趨進曰天禍鄭國使介居二大國之間大國不
加德音而亂以要之使其鬼神不獲歆其禮祀其民人
不獲享其土利夫婦辛苦墜隘無所底告自今日既盟
之後鄭國而不唯有禮與疆可以庇民者是從而敢有
異志者亦如之荀偃曰改載書公孫舍之曰昭大神要
言焉若可改也大國亦可叛也知武子謂獻子曰我實
不德而要人以盟豈禮也哉非禮何以主盟姑盟而退
脩德息師而來終必獲鄭何必今日我之不德民將棄
我豈唯鄭若能休和遠人將至何恃於鄭乃盟而還
穀梁傳不異言鄭善得鄭也不致恥不能據鄭也胡
氏傳鄭之見伐於楚子駢欲從楚子展曰小國無信兵
亂日至亡無日矣請完守以老楚杖信以待晉其策未
為失也而子駢遂及楚盟於是晉師至矣諸侯伐鄭晉
人令於列國脩器備盛饘糧歸老幼居疾于虎牢肆省

圍鄭鄭人恐乃行成荀偃曰遂圍之以待楚人之救而與之戰不然無成知罃曰許之盟而還師以救楚吾三分四軍與諸侯之銳以逆來者於我未病楚不能矣猶愈於戰暴骨以逞不可以爭大勞未艾君子勞心小人勞力先王之制也乃許鄭成同盟于戲夫善為國者不師善師者不陣善陣者不戰知武子明於善陣之法以佐晉悼公屢與諸侯伐鄭楚軫救之而不與之戰楚師遂屈得善勝之道矣故下書蕭魚之會以美之楚

子伐鄭

鄭既從晉同盟于戲故楚復加伐以爭鄭左氏傳子駟將及楚平子孔子矯曰與大國盟口

血未乾而背之可乎子駟子展曰吾盟固云唯彊是從今楚師至晉不我救則楚彊矣盟誓之言豈敢背之且要盟無質神弗臨也所臨唯信信者言之瑞也善之主也是故臨之明神不觸要盟背之可也乃及楚平公子罷戎入盟同盟于中分楚莊夫人卒王未能定鄭而歸

戊戌十年春公會晉侯宋公衛侯曹伯莒子邾子滕子薛

伯杞伯小邾子齊世子光會吳子柎

柎杜氏曰楚地今濟寧路濟州沛縣

有柎水諸侯會吳欲以為援而抑楚也然吳之患終於春秋又甚於楚焉

左氏傳會于柎會吳子壽夢也三

月癸丑齊高厚相太子光以先會諸侯于鍾離不敬士莊子曰高子相太子以會諸侯將社稷是衛而皆不敬棄社稷也其將不免乎夏四月戊午

夏五月甲午遂滅

會于柎

穀梁傳會又會外之也

偃陽公至自會

偃陽姁姓子爵國在今濟寧路濟州沛縣遂者繼事之詞因會而遂滅之也

左氏傳晉荀偃士句請伐偃陽而封宋向戌焉荀偃曰城小而固勝之不武弗勝為笑固請而寅圍之弗克孟氏之臣秦董父輦重如役偃陽人啟門諸侯之士門焉縣門發耶人統挾之以出門者狄虎彌建大車之輪而

蒙之以甲以為櫓左執之右拔戟以成一隊孟獻子曰詩所謂有力如虎者也主人縣布董父登之及堞而絕之隊則又縣之蘇而復上者三主人辭焉乃退帶其斷以徇於軍三日諸侯之師久於偃陽荀偃士句請於荀彘曰水潦將降懼不能歸請塙師知伯怒投之以機出於其間曰女成二事而後告余余恐亂命以不女違女既勤君而興諸侯牽帥老夫以至於此既無武守而又欲易余罪曰是實班師不然克矣余羸老也可重任乎七日不克必爾乎取之五月庚寅荀偃士句帥卒攻偃陽親受矢石甲午滅之書曰遂滅偃陽言自會也以與向戌向戌辭曰君若猶辱鎮撫宋國而以偃陽光啟寡君羣臣安矣其何貺如之若專賜臣是臣與諸侯以自封也其何罪大焉敢以死請乃予宋公穀梁傳遂直遂也其曰遂何也不以中國從夷狄也會夷狄不致惡事不致此其致何也存中國也中國有善事則并焉無善事則異之存之也汲鄭伯逃歸陳侯致祖之會存中

國也 楚公子貞鄭公孫輒帥師伐宋 盟戲之後楚子伐鄭而晉不救故鄭又從

楚而同伐宋也 左氏傳楚子囊鄭子耳伐宋師于訾母庚午圍宋門于桐門 晉侯伐秦 左氏傳晉

荀罃伐秦報其侵也 秋莒人伐我東鄙 左氏傳莒人間諸侯之有事也故伐我東鄙 公

會晉侯宋公衛侯曹伯莒子邾子齊世子光滕子薛伯

杞伯小邾子伐鄭 為宋報伐討其從楚也呂氏曰齊世子光序諸侯上主會者為之也春秋

不改所以見上下之無禮文專以彊弱事勢為先後也左氏傳諸侯伐鄭蘇崔杼使太子光先至于師故長

於滕己酉 冬盜殺鄭公子騂公子發公孫輒 盜作亂者也程子曰

不稱大夫失卿職也孫氏曰盜者微賤之稱盜一日而殺三卿惡鄭伯失刑故也 左氏傳初子驪與尉止有

爭將禦諸侯之師而黜其車尉止獲又與之爭子駟抑尉止曰爾車非禮也遂弗使獻初子駟為田洫司氏堵氏侯氏子師氏皆喪田焉故五族聚庫不逞之人因公子之徒以作亂於是子駟當國子國為司馬子耳為司空子孔為司徒冬十月戊辰尉止司臣侯晉堵女父子師僕帥賊以入晨攻執政于西宮之朝殺子駟子國子耳劫鄭伯以如北宮子孔知之故不死書曰盜言無大夫馬子西聞盜不徹而出尸而追盜盜入于北宮乃歸授甲臣妻多逃器用多喪子產聞盜為門者庀庫司開府庫慎閉藏完守備成列而後出兵車十七乘尸而攻盜于北宮子駟率國人助之殺尉止子師僕盜眾盡死侯晉奔晉堵女父司尉駟司齊奔宋子孔當國為載書以位序聽政辟大夫諸司門子弗順將誅之子產止之請為之楚書子孔不可曰為書以定國眾怒而楚之是眾為政也國不亦難乎子產曰眾怒難犯專欲難成合二難以安國危之道也不如楚書以安眾子得所欲

衆亦得安不亦可乎專欲無成犯衆興禍子必從之乃焚書於倉門之外衆而後定殺梁傳稱盜以殺大夫弗以上下道惡上也胡氏傳案左氏鄭公子騅當國發為司馬輒為司空騅與尉止有爭及為田漁司氏堵氏侯氏子師氏皆喪田故五族聚羣不逞之徒以作亂入西宮殺三卿于朝不稱大夫程氏以為失卿職也卿大夫者國君之陪貳政之本也本疆則精神折衝聞有偃息談笑而却敵國之兵勝千里之難者矣乃至子身不能保而盜得殺之於朝安在其為陪貳乎故削其大夫為常官失職者之鑒也戊鄭虎牢楚

公子貞帥師救鄭公至自伐鄭

駐師阨險以守之而鄭猶未服故楚師復來殺

之諸侯以力服人故善楚之援也程子曰非欲斷荆楚之路為鄭救也駐師阨險以偏之耳故繫鄭以責諸侯左氏傳諸侯之師城虎牢而戌之晉師城梧及制士魴魏絳戌之書曰戌鄭虎牢非鄭地也言將歸焉鄭及

晉平楚子囊救鄭十一月諸侯之師還鄭而南至於陽
陵楚師不退知武子欲退曰今我逃楚楚必驕驕則可
與戰矣樂廩曰逃楚晉之恥也合諸侯以益耻不如死
我將獨進師遂進已亥與楚師夾潁而軍子蟠曰諸侯
既有成行必不戰矣從之將退不從亦退退楚必圍我
猶將退也不如從楚亦以退之宵涉潁與楚人盟樂廩
欲伐鄭師荀瑩不可曰我實不能禦楚又不能庇鄭鄭
何罪不如致怨焉而還今伐其師楚必救之戰而不克
為諸侯笑克不可命不如還也丁未諸侯之師還侵鄭
北鄙而歸楚人亦還公羊傳孰戌之諸侯戌之曷為
不言諸侯戌之離至不可得而序故言我也諸侯已取
之矣曷為繫之鄭諸侯莫之主有故反繫之鄭穀梁
傳其曰鄭虎牢決鄭乎虎牢也胡氏傳虎牢之地城
不繫鄭者責在鄭也戌而繫鄭者罪諸侯也曷為責鄭
設險所以守國有是險而不能設犧牲玉帛待盟境上
使其民人不享土利辛苦墊隘無所底告然後請成故

城不繫鄭者責其不能有也。曷為罪諸侯？夫鄭人從楚，固云不義。然中國所以城之者，非欲斷荊楚之路為鄭蔽也。駐師阨險，以逼之，至是伐而復戍焉，猶前志也。則可謂以義服之乎？故戍而繫鄭者，若曰：鄭國分地受諸天子，非列國所得專，所以罪諸侯也。聖人既以虎牢還繫於鄭，又書楚公子貞帥師救鄭，諸侯之罪益明矣。夫以救許楚，所以深罪諸侯，不能保鄭，肆其陵逼，曾荆楚之不若也。亦可謂深切著明也哉。

己亥十有一年春王正月作三軍

無舊而始為之例書作觀昭五年舍中軍則知

此為始作明矣。孫氏曰：古者大國三軍，次國二軍，小國一軍。魯侯爵次國也，而作三軍，亂聖王之制也。左氏傳：季武子將作三軍，告叔孫穆子曰：「請為三軍各征其軍。」穆子曰：「政將及于子，必不能。」武子固請之，穆子曰：「然則盟諸乃盟。」諸僖閱詛諸五父之衢。正月作三軍，分公室而各有其一。三子各毀其乘，季氏使其乘之人以

其役邑入者無征不入者倍征孟氏使半為臣若子若弟叔孫氏使盡為臣不然不舍公羊傳三軍者何三卿也作三軍何以書譏何幾爾古者上卿下卿上士下士穀梁傳作為也古者天子六師諸侯一軍作三軍非正也胡氏傳三軍魯之舊也古者大國三軍次國二軍小國一軍魯侯封於曲阜地方數百里天下莫彊焉及僖公時能復周公之宇而史克作頌其詩曰公車千乘說者以為大國之賦也又曰公徒三萬說者以為大國之軍也故知三軍魯之舊爾然車而謂之公車則臣下無私乘也徒而謂之公徒則臣下無私民也若有侵伐諸卿更帥以出事畢則將歸於朝車服於甸甲散於丘卒還於邑將皆公家之臣兵皆公家之眾不相繁也文宣以來政在私門襄公幼弱季氏益張廢公室之三軍而三家各有其一季氏盡征焉而舊法亡矣是以謂之作其明年季孫宿救台遂入鄆又其後季范獻子而公臣不能具三耦民不屬公可知矣春秋書其作舍

以見昭公失國定公無正而兵權不可
去公室有天下國家者之所宜鑒也
夏四月卜郊

不從乃不郊

四卜不從然後不郊固為失禮然不三望速由庶幾穀梁傳夏四月不時也四卜

非禮鄭公孫舍之帥師侵宋

鄭公孫名舍之三命大夫鄭侵宋欲致諸侯之師而

從晉也

左氏傳鄭人患晉楚之故諸大夫曰不從晉

國幾亡楚弱於晉晉不吾疾也晉疾楚將辟之何為而

使晉師致死於我楚弗敗敵而後可固與也子展曰與

宋為惡諸侯必至吾從之盟楚師至吾又從之則晉怒

甚矣晉能驟來楚將不能吾乃固與晉大夫說之使疆

場之司惡於宋宋向戌侵鄭大獲子展曰師而伐宋可

矣若我伐宋諸侯之伐我必疾吾乃聽命焉且告於楚

楚師至吾入與之盟而重賂晉師乃免矣夏鄭子展侵

宋

公會晉侯宋公衛侯曹伯齊世子光莒子邾子滕子

薛伯杞伯小邾子伐鄭

鄭侵宋故諸侯伐陳氏曰世子長於小國之君悼公始為之也

左氏傳四月諸侯伐鄭己亥齊太子光宋向戌先至于鄭門于東門其莫晉荀罃至于西郊東侵舊許衛孫

林父侵其北鄙六月諸侯會于北林師于向秋七月已右還次于瑣圍鄭觀兵于南門西濟于濟隧

未同盟于亳城北公至自伐鄭

亳城北杜氏曰鄭地今河南府偃師縣鄭又服

故同盟因會伐而盟故以伐鄭至程子曰鄭又服而盟也隨復從楚伐宋見其反覆左氏傳鄭人懼乃行成

秋七月同盟于亳范宣子曰不慎必失諸侯諸侯道救而無成能無貳乎乃盟載書曰凡我同盟毋蘊年毋壅

利毋保姦毋留慝救災患恤禍亂同好惡獎王室或問茲命司慎司盟名山名川隼神羣祀先王先公七姓十

二國之祖明神殛之俾失其民隊命亡氏踣其國家殺梁傅不以後致盟後復伐鄭也楚子鄭伯

伐宋

鄭再從楚伐宋故諸侯又會也 左氏傳楚子囊乞旅于秦秦右大夫詹帥師從楚子將以伐鄭鄭

伯逆之丙子伐宋

胡氏傳盟于亳城北鄭服而同盟

也尋復從楚伐宋故書同盟見其既同而又叛也既同

而又叛從子展之謀欲致晉師而後與之也故亳之盟

其載書曰或間茲命明神殛之俾失其民隊命亡氏踣

其國家雖渝此盟而不顧也噫慢

鬼神至於此極而盟猶足恃乎 公會晉侯宋公衛侯

曹伯齊世子光莒子邾子滕子薛伯杞伯小邾子伐鄭

會于蕭魚

杜氏曰蕭魚鄭地程子曰諸侯數月之間再伐鄭鄭之反覆可知鄭又服而請會不書鄭

會謂其不可信也而晉悼公推至誠以待人信之不疑

至哉誠之能感人也自此鄭不肯晉者二十四年左氏

傳九月諸侯悉師以復伐鄭觀兵于鄭東門鄭人使王

子伯駢行成甲戌晉趙武入盟鄭伯伯冬十月丁亥鄭子

展盟晉侯十二月戊寅會于蕭魚庚寅赦鄭囚皆禮而歸之納斥候禁侵掠晉侯使叔矜告于諸侯公使臧孫紇對曰凡我同盟小國有罪大國致討苟有以藉手鮮不赦宥寡君聞命矣鄭人賂晉侯以師悝師觸師蠲廣車軹車淳十五乘甲兵備凡兵車百乘歌鍾二肆及其鐻磬女樂二八晉侯以樂之半賜魏絳曰子教寡人和諧戎狄以正諸華八年之中九合諸侯如樂之和無所不諧諸侯與子樂之辭曰夫和戎狄國之福也八年之中九合諸侯諸侯無慮君之靈也二三子之勞也臣何力之有焉抑臣願君安其樂而思其終也詩曰樂只君子殷天子之邦樂只君子福祿攸同使蕃左右亦是帥從夫樂以安德義以處之禮以行之信以守之仁以厲之而後可以殷邦國同福祿來遠人所謂樂也書曰居安思危思則有備有備無患敢以此規公曰子之教敢不承命抑微子寡人無以待我不能濟河夫賞國之典也藏在盟府不可廢也子其受之魏絳於是乎始有金

石之樂禮也

公羊傳

此伐鄭也其言會于蕭魚何蓋

鄭與會爾

胡氏傳

程氏曰會于蕭魚鄭又服而請會

也不書鄭會謂其不可信也而晉悼公推至誠以待人

信鄭不疑禮其因而歸焉納斥侯禁侵掠遣叔矜告于

諸侯而鄭自此不復背晉者二十四年至哉誠之能感

人也自悼公又能謀於魏絳以息民聽於知武子而不

與楚戰故三駕而楚不能與公至自會

之爭雖城濮之績不越矣程子曰兵不加鄭故書至自會

伐鄭穀梁傳伐而後會不以楚人執鄭行人良霄鄭從晉

其聘使之行人良氏霄名鄭三命大夫執拘囚之也

左氏傳鄭人使良霄大宰石彘如楚告將服于晉曰孤

以社稷之故不能懷君君若能以玉帛綏晉不然則武

震以攝威之孤之願也楚人執之書曰行人言使人也

穀梁傳行人者冬秦人伐晉報復之師也

左氏傳秦

挈國之辭也庶長鮑庶長武帥師伐晉

以救鄭鮑先入晉地士魴御之少秦師而弗設備士午武濟自輔氏與鮑交伐晉師己丑秦晉戰于櫟晉師敗績易秦故也

庚子十有二年春王三月莒人伐我東鄙圍台季孫宿帥

師救台遂入鄆

台魯地費縣有台亭鄆莒魯所爭之邑也來伐鄆而圍台莒罪也帥師救台應

兵也而遂入鄆季孫之罪亦不免矣備書之則是非曲直自見矣左氏傳莒人伐我東鄙圍台季武子救台

遂入鄆取其鍾以為公盤公羊傳邑不言圍此其言圍何伐而言圍者取邑之辭也伐而不言圍者非取邑

之辭也大夫無遂事此其言遂何公不得為政兩穀梁傳伐國不言圍邑舉重也取邑不書圍安足書也遂

繼事也受命而救鄆不受命而入鄆惡季孫宿也胡氏傳鄆莒邑也遂者生事也入者逆詞也大夫無遂事

受命而敕台不受命而入郕惡季孫宿之擅權使公不
得有為於其國也或曰古者命將得專制閫外之事有
可以安國家利社稷者專之可也曰此為境外言之也
台在邦域之中而專行之非有無君之心者不敢為也
昭公遂定無正夫豈一朝一夕之故哉其所由來者漸矣
夏晉侯使士魴來聘而會

謝也
傳且拜師

左氏

秋九月吳子乘卒

乘即壽夢也

左氏傳

禮也凡諸侯之喪異姓臨於外同姓於宗廟同宗於祖
廟同族於禰廟是故魯為諸姬臨於周廟為邢凡蔣茅
胙祭臨於冬楚公子貞帥師侵宋
左氏傳楚子囊秦庶
周公之廟

長無地伐宋師于楊

梁以報晉之取鄭也靈王求后于齊齊侯問對於晏桓
子桓子對曰先王之禮辭有之天子求后于諸侯諸侯
對曰夫婦所生若而人妾婦之子若而人無女而有姊
妹及姑姊妹則曰先守某公之遺女若而人齊侯許昏

王使陰里結之

公如晉

朝盟主也非謝聘如晉朝且拜士魴之辱禮也

左氏傳公

辛丑十有三年春公至自晉

見公歲首在晉也左氏曰書

子書勞于廟禮也

夏取邾

邾爵姓未詳國在今濟寧路府治悲虜而俘例書取內將卑師少例止書

取某

左氏傳邾亂分為三師殺邾遂取之凡書取言易也用大師焉曰滅弗地曰入

公羊傳詩者何邾婁

之邑也曷為不繫乎邾婁諱亟也

秋九月庚辰楚子審卒

共王名審子昭立是為康

王左氏傳楚子疾告大夫曰不穀不德少主杜稷生十年而喪先君未及習師保之教訓而應受多福是以

不德而亡師于鄢以辱社稷為大夫憂其弘多矣若以大夫之靈獲保首領以歿於地唯是春秋寔宥之

所以從先君於禰廟者請為靈若厲大夫擇焉莫對及五命乃許秋楚共王卒子囊謀謚大夫曰君有命矣子囊

曰君命以共若之何斃之赫赫楚國而君臨之撫有蠻夷奄征南海以屬諸夏而知其過可不謂共乎請謚之共大夫冬城防左氏傳書事時也於是將早城臧武仲請俟畢農事禮也

壬寅十有四年春王正月季孫宿叔老會晉士匄齊人宋

人衛人鄭公孫蠆曹人莒人邾人滕人薛人杞人小邾

人會吳于向

叔氏老名魯三命大夫鄭公孫名蠆三命大夫也向杜氏曰鄭地潁川長社縣在今

許州長社縣之東北魯二卿列會始於此晉鄭大夫三命故書氏書名諸國一命徵者故書人吳為主故殊會

左氏傳吳侵楚養由基奔命子庚以師繼之養叔曰吳乘我喪謂我不能師也必易我而不戒子為三覆以

待我我請誘之子庚從之戰于庸浦大敗吳師獲公子黨君子以吳為不弔詩曰不弔昊天亂靡有定吳告敗

于晉會于向為吳謀楚故也范宣子數吳之不德也以退吳人胡氏傳使舉上客而叔老並書者以內卿行則不得不書矣李孫宿以卿為介而不使之免叔老介於宿而不致避盜而失之雖晉人輕其幣而敬其使於君命使人之體豈為得哉

二月乙未朔日有食之

紀天變也

夏四月叔孫

豹會晉荀偃齊人宋人衛北宮括鄭公孫董曹人莒人

邾人滕人薛人杞人小邾人伐秦

荀氏偃名北宮氏括名皆三命大夫晉衛

鄭將尊故書名氏諸國將卑故書人晉主兵而諸國助以報秦也左氏傳夏諸侯之大夫從晉侯伐秦以報櫟之役也晉侯侍于竟使六卿師諸侯之師以進及湮不濟叔向見叔孫穆子穆子賦匏有苦葉叔向退而具舟魯人莒人先濟鄭子蟠見衛北宮懿子曰與人而不固取惡莫甚焉若社稷何懿子說二子見諸侯之師而

勸之濟濟涇而次秦人毒涇上流師人多死鄭司馬子蟠帥鄭師以進師皆從之至於棧林不獲成焉荀偃令曰難鳴而駕塞升夷竈唯余馬首是瞻樂黶曰晉國之命未是有也余馬首欲東乃歸下軍從之左史謂魏莊子曰不待中行伯乎莊子曰夫子命從師樂伯吾師也吾將從之從師所以待夫子也伯游曰吾今實過悔之何及多遺秦禽乃命大遽晉人謂之遺延之役樂鍼曰此役也報櫟之敗也役又無功晉之耻也吾有二位於戎路敢不耻乎與士鞅馳秦師死焉士鞅反樂黶謂士刳曰余弟不欲往而子召之余弟死而子來是而子殺余之弟也弗逐余亦將殺之士鞅奔秦於是齊崔杼宋華閱仲江會伐秦不書情也向之會亦如之衛北宮括不書於向書於伐秦攝也秦伯問於士鞅曰晉大夫其誰先亡對曰其欒氏乎秦伯曰以其汰乎對曰然欒黶汰虐已甚猶可以免其在盈乎秦伯曰何故對曰武子之德在民如周人之思召公焉愛其甘棠況其子乎欒

縶死盈之善未能及人武子所施沒矣而縶之怨實已
章將於是乎在秦伯以為知言為之請於晉而復之

未衛侯出奔齊

左氏傳衛獻公戒孫文子甯惠子食皆服而朝日盱不召而射鴻於囿二子從

之不釋皮冠而與之言二子怒孫文子如戚孫蒯入使
公飲之酒使太師歌巧言之卒章太師辭師曹請為之
初公有嬖婁使師曹誨之琴師曹鞭之公怒鞭師曹三
百故師曹欲歌之以怒孫子以報公公使歌之遂誦之
蒯懼告丈子丈子曰君忌我矣弗先必死并帑於戚而
入見蘧伯玉曰君之暴虐子所知也大懼社稷之傾覆
將若之何對曰君制其國臣敢奸之雖奸之庸知愈乎
遂行從近闕出公使子矯子伯子皮與孫子盟于丘宮
孫子皆殺之四月己未子展奔齊公如鄆使子行於孫
子孫子又殺之公出奔齊孫氏追之敗公徒于阿澤鄆
人執之初尹公佗學射於庾公差庾公差學射於公孫
丁二子追公公孫丁御公子魚曰射為背師不射為戮

射為禮乎射而鞠而還尹公佗曰子為師我則遠矣乃
反之公孫丁授公轡而射之貫臂子鮮從公及竟公使
祝宗告亡且告無罪定姜曰無神何告若有不可誣也
有罪若何告無舍大臣而與小臣謀一罪也先君有冢
卿以為師保而蔑之二罪也余以巾櫛事先君而暴妾
使余三罪也告亡而已無告無罪公使厚成叔弔于衛
曰寡君使瘠聞君不撫社稷而越在他境若之何不弔
以同盟之故使瘠敢私於執事曰有君不弔有臣不啟
君不赦宥臣亦不帥職增淫發洩其若之何衛人使大
叔儀對曰羣臣不佞得罪於寡君寡君不以即刑而悼
棄之以為君憂君不忘先君之好辱弔羣臣又重恤之
敢拜君命之辱重拜大貺厚孫歸復命語戒武仲曰衛
君其必歸乎有大叔儀以守有母弟鱣以出或撫其內
或營其外能無歸乎齊人以邾寄衛侯及其復也以邾
糧歸右宰穀從而逃歸衛人將殺之辭曰余不說初矣
余狐裘而羔袖乃赦之衛人立公孫剽孫林父甯殖相

欽定四庫全書

卷九

之以聽命於諸侯衛侯在邾臧紇如齊唁衛侯衛侯與之言虐退而告其子曰衛侯其不得入矣其言冀土也亡而不變何以復國子展子鮮聞之見臧紇與之言道臧孫託謂其人曰衛君必入夫二子者或輓之或推之欲無入得乎胡氏傳案左氏衛甯殖將死語其子曰吾得罪於君名在諸侯之策曰孫林父甯殖出其君夫所謂諸侯之策則列國之史也諸侯則若晉若魯是也史則若晉之乘魯之春秋是也今春秋書衛侯出奔齊而不曰孫林父甯殖出其君者蓋仲尼筆削不因舊史之文也欲知經之大義深考舊文筆削之不同其得之矣或曰孫甯出君衆所同疾史策書之是也聖人曷為掩姦藏惡不暴其罪而以歸咎人主何哉曰臣而逐君其罪已明矣人君擅一國之名寵神之主而民之望也愛之如父母仰之如日月敬之如神明畏之如雷霆何可出也所為見逐無乃肆於民上縱其淫虐以棄天地之性乎故衛衍出奔使祝宗告亡且告無罪而定姜曰

有罪若何告無春秋端本清源之書故不書所逐之臣而以自弁為名所以警乎人君者為後世鑒非聖人莫能修之為此類也

莒人侵我東鄙

報入鄆之師也

秋楚公子貞帥師伐

吳

吳從晉會諸侯故楚興師以伐之也

左氏傳秋楚子為庸浦之役故子囊帥于棠以伐吳吳不出而還

子囊殷以吳為不能而弗傲吳人自臯舟之隘要而擊之楚人不能相救吳人敗之獲楚公子宜穀

冬季

孫宿會晉士匄宋華閱衛孫林父鄭公孫蠆莒人邾人

于戚

華氏閔名宋三命大夫晉為盟主而不討孫林父逐君之罪又為會以定刺罪可知也

癸卯十有五年春宋公使向戌來聘二月己亥及向戌盟

于劉

向戌名宋三命大夫因來聘而盟未前定也鄭氏曰劉魯地也左氏傳宋向戌來聘且尋盟見

孟獻子尤其室曰子有令聞而美其室非所望也對曰我在晉吾兄為之毀之重勞且不敢聞劉夏逆

王后于齊

劉氏夏名天王逆后當使卿令使官師非禮也直書以見其失左氏傳官師從單靖公

逆王后于齊卿不行非禮也公羊傳劉夏者何天子之大夫也劉者何邑也其稱劉何以邑氏也外逆女不

書此何以書過我也穀梁傳過我故志之也胡氏傳劉夏何以不稱使不與天子之使夏也昏姻人倫之

本王后天下之母劉夏士也士而逆后是不重人倫之本而輕天下之母矣然則何使卿往逆公監之禮也官

師從單靖公逆王后于齊書劉夏而不書靖公是知夏卿往逆公監之禮也春秋婚姻得禮者常事不書

齊侯伐我北鄙圍成公救成至遇

齊在魯之北故來侵伐必加兵于北鄙成

魯地孟氏邑鄰於齊境伐鄙圍邑齊罪可知杜氏曰魯地書至遇公畏齊不敢至成也趙先生曰至遇二字必

有缺簡當云至某地遇齊師或戰或齊師退而公還故
下書二卿帥師城成郛也左氏傳齊侯圍成戴於晉

故也公羊傳其言季孫宿叔孫豹帥師城成郛齊師退故

至過何不敢進也修城以備之也左氏傳於是乎城成郛秋八月丁巳日有食之不書朔缺文也邾

人伐我南鄙左氏傳使告于晉晉將為會冬十有一月

癸亥晉侯周卒悼公名周子彪立是為平公朱子曰悼公才段高當初只十四歲說幾句事便

有操有縱才歸晉做得便別當厲公被弑晉室大段費
力悼公歸來恰如久雨遇天晴時景赫然為之一新

甲辰十有六年春王正月葬晉悼公三月葬速簡而失禮也三月公

會晉侯宋公衛侯鄭伯曹伯莒子邾子薛伯杞伯小邾

子于泌梁戊寅大夫盟

泌梁杜氏曰晉地在平懷孟路
孟州溫縣晉平公初立會諸侯

以圖伯諸侯在會不自為盟而使大夫專盟失政之甚也
左氏傳平公即位羊舌肸為傅張君臣為中軍司

馬祁奚韓襄欒盈士鞅為公族大夫虞丘書為乘馬御
改服修官烝于曲沃警守而下會于泌梁命歸侵田且

曰通齊楚之使晉侯與諸侯宴于溫使諸大夫舞曰歌
詩必類齊高厚之詩不類荀偃怒且曰諸侯有與志矣

使諸大夫盟高厚高厚逃歸於是叔孫豹晉荀偃宋向
戌衛甯殖鄭公孫蠆小邾之大夫盟曰同討不庭公

羊傳諸侯皆在是其言大夫盟何信在大夫也何言乎
信在大夫偏刺天下之大夫也曷為偏刺天下之大夫

君若贅旒然穀梁傳泌梁之會諸侯失正矣諸侯魯
而曰大夫盟正在大夫也諸侯在而不曰諸侯之大夫

大夫不臣也胡氏傳杜丘之會諸侯既次于匡則書
曰公孫敖帥師及諸侯之大夫救徐難澤之會諸侯既

盟而陳侯使袁僑如會則書曰叔孫豹及諸侯之大夫及陳袁僑盟今湟梁之會諸侯皆在是若欲使大夫盟者則宜書魯卿及諸侯之大夫盟可也而獨書大夫何也諸侯失政大夫皆不臣也上二年春正月會于向十有四國之大夫也夏四月會伐秦十有三國之大夫也冬會于戚七國之大夫也此三會皆國之大事也而使大夫皆專之而諸侯皆不與焉是列國之君不自為政弗躬弗親禮樂征伐已自大夫出矣況悼公既沒晉平初立無先公之明也君若翫旒而大夫張亦宜矣夫豈一朝一夕之故哉善惡積於至微而不可拚常情忽於未兆而不預謀苟候怒大夫盟而晉靖公廢趙盾韓度魏斯為諸侯之勢見矣有國者謹於禮而不敢忽此春秋以待後晉人執莒子邾子以歸之也左氏傳以我世之意也

故執邾宣公莒卑比公

齊侯伐我北鄙

晉伯又裒改諸侯復相侵伐

夏公至自

會

齊來而公在會故無應兵

五月甲子地震

誌災異也

叔老會鄭伯荀

偃衛甯殖宋人伐許

晉主兵而先序鄭伯者大夫不可先諸侯也陳氏曰不以大夫主

諸侯則書會鄭

左氏傳許男請遷于晉諸侯遂遷許許大夫不可晉人歸諸侯鄭子蟠開將代許遂相鄭伯

以從諸侯之師穆叔從公孫子帥師會晉荀偃書曰會

鄭伯為夷故也夏六月次于栢林庚寅伐許次于函氏

晉荀偃樂騫帥師伐楚以報朱揚梁之役楚公子格帥

師及晉師戰于湛阪楚師敗績晉師遂侵方城之外復

伐許秋齊侯伐我北鄙圍郕左氏傳秋齊侯圍郕孟孺

而還秋齊侯伐我北鄙圍郕子連激之齊侯曰是好勇

去之以為之名速大雩早故也冬叔孫豹如晉左氏傳冬

遂塞海陘而還

聘且言齊故晉人曰以寡君之未禘祀與民之未息不

然不敢忘穆叔曰以齊人之朝夕釋憾於敝邑之地是

以大請數邑之急朝不及夕引領西望曰庶幾乎比執事之間恐無及也見中行獻子賦圻父獻子曰偃知罪矣敢不從執事以同恤社稷而使魯及此見范宣子賦鴻鴈之卒章宣子曰苟在此敢使魯無鳩乎

乙巳十有七年春王二月庚午邾子貜卒

宣公名狸子華立是為悼公

宋人伐陳

左氏傳宋莊朝伐陳獲司徒印卑宋也

夏衛石買帥師伐曹

石氏

買名三命大夫

左氏傳衛孫蒯田于曹隧飲馬于重丘毀其瓶重丘人閉門而詢之曰親逐而君爾父為厲

是之不憂而何以田為夏衛石買孫蒯伐曹取重丘曹人趨于晉

秋齊侯伐我北鄙圍

桃高厚帥師伐我北鄙圍防

高氏厚名三命大夫齊連年伐魯猶以為未足今又

率衆分兵以圍二邑故明年諸侯同圍之也桃杜氏曰魯地防魯地臧氏邑左氏傳齊人以其未得志于我

故秋齊侯伐我北鄙圍桃高厚圍臧紇于防師自陽關
逆臧孫至于旅松耶叔紇臧疇臧賈帥甲三百宵犯齊
師送之而復齊師去之齊人獲臧堅齊侯使夙沙衛唁
之且曰無死堅稽首曰拜命之辱抑君賜不終姑又使
其刑臣禮於士以

九月大雩

也

宋華臣出奔陳

華氏臣
名三命

伐挾其傷而死

大夫也左氏傳宋華閱卒華臣弱臯比之室使賊殺
其宰華吳賊六人以鉞殺諸盧門合左師之後左師懼
曰老夫無罪賊曰臯比私有討於吳遂幽其妻曰界余
而大璧宋公聞之曰臣也不唯其宗室是暴大亂宋國
之政必逐之左師曰臣也亦卿也大臣不順國之恥也
不如蓋之乃舍之左師為已短策苟過華臣之門必騁
十一月甲午國人逐癘狗癘狗入於

冬邾人伐我南鄙

華臣氏國人從之華臣懼遂奔陳

邾莒皆附齊之國也齊與魯仇故邾來伐泲梁之會晉
以魯故執邾子今報伐也左氏傳冬邾人伐我南鄙

為齊故也

丙午十有八年春白狄來

白狄地在今延安路來朝于魯不成禮止書來公羊傳白狄

者何夷狄之君也何以不言朝不能朝也胡氏傳劉敞曰蕃服於中國無事焉其於天子世一見則諸侯雖善其交際不得而通也是以春秋亦不與其朝不與其朝者懲淫慝一內外也周公致太平越裳氏重九譯而獻其白雉公曰君子德不及焉不享其贄此乃天子之讓也况列國之君乎守藩之臣乎夏晉人執

衛行人石買

石買伐曹晉為曹執之劉氏曰晉能知石買伐曹為惡而不知孫氏逐君之惡也

左氏傳晉人執衛行人石買于長子執孫蒯于純留為曹故也穀梁傳稱行人怨接於上也秋齊師

伐我北鄙

四年之中六伐鄙四圍邑齊環之惡著矣左氏傳齊侯伐我北鄙中行獻子將伐齊夢

與厲公訟弗勝公以戈擊之首隊於前跪而戴之奉之以走見梗陽之巫臯他日見諸道與之言同巫曰今茲主必死若有事於東方則可以逞獻子許諾晉侯伐齊將濟河獻子以朱絲係玉二穀而禱曰齊環怙恃其險負其衆庶棄好背盟陵虐神主曾臣魁將率諸侯以討焉其官臣偃實先後之苟捷有功無作神羞官臣偃無敢復濟唯爾有神

冬十月公會晉侯宋公衛侯鄭伯曹

伯莒子邾子滕子薛伯杞伯小邾子同圍齊

齊連年伐魯故諸侯

同圍之書同者諸侯合兵同力也見晉不能主兵也程子曰見諸侯皆惡齊也左氏傳會于魯濟尋濕梁之

言同伐齊齊侯禦諸平陰塹防門而守之廣里風沙衛曰不能戰莫如守險弗聽諸侯之士門焉齊人多死范宣子告析文子曰吾知子敢匿情乎魯人莒人皆請以車千乘自其鄉入既許之矣若入君必失國子盍圖之

子家以告公公恐晏嬰聞之曰君固無勇而又聞是弗能久矣齊侯登巫山以望晉師晉人使司馬斥山澤之險雖所不至必旆而䟽陳之使乘車者左實右馮以旆先輿曳柴而從之齊侯見之畏其衆也乃脫歸丙寅晦齊師夜遁師曠告晉侯曰鳥烏之聲樂齊師其遁邢伯告中行伯曰有班馬之聲齊師其遁叔向告晉侯曰城上有烏齊師其遁十一月丁卯朔入平陰遂從齊師夙沙衡連大車以塞隧而殿殖綽郭最曰子殿國師齊之辱也子姑先乎乃代之殿衛殺馮於隘以塞道晉州綽及之射殖綽中肩兩矢夾脰曰止將為三軍獲不止將取其衷顧曰為私誓州綽曰有如日乃弛弓而自後縛之其右具丙亦舍兵而縛郭最皆衿甲面縛坐于中軍之鼓下晉人欲逐歸者魯衛請攻險已卯荀偃士匄以中軍克京茲乙酉魏絳樂盈以下軍克郭趙武韓起以上軍圍廬弗克十二月戊戌及秦周伐雍門之萩范鞅門于雍門其御追喜以戈殺犬于門中孟莊子斬其楯

以為公琴已亥焚雍門及西郭南郭劉難士弱率諸侯之師焚申池之竹木壬寅焚東郭北郭范鞅門于揚門州緡門于東閭左驛迫還于門中以枚數闔齊侯駕將走郵棠大子與郭榮叩馬曰師速而疾略也將退矣君何懼焉且社稷之主不可以輕輕則失衆君必待之將犯之天子抽劔斷鞅乃止甲辰東侵及維南及沂穀梁傳非圓而曰圓齊有大馬亦有病馬非大而足同馬諸侯同罪之也亦病矣胡氏傳凡侵伐圓入未有書同者而獨於此書同圓齊何也齊環背盟棄好陵虐神主肆其暴橫數伐鄰國觀加兵於魯則可見矣諸侯所共惡疾故同心而圓之也同心圓齊其以伐致何也見齊環無道宜得惡疾大諸侯之伐而免其圓齊之罪辭也春秋於此有沮橫逆抑彊暴之意孟子曰國必自伐而後人伐之自作孽不可逭其齊侯環之謂矣尚誰愬哉

曹伯負芻卒于師

曹成公名負芻子滕立是為武公為敵所殺也穀梁傳閔之也

楚公子午帥師伐鄭

左氏傳鄭子孔欲去諸大夫將叛晉而起楚師以去之使告子庚子

庚弗許楚子聞之使楊豚尹宜告子庚曰國人謂不穀主社稷而不出師死不從禮不穀即位於今五年師徒不出人其以不穀為自逸而忘先君之業矣大夫圖之其若之何子庚歎曰君王其謂午懷安乎吾以利社稷也見使者稽首而對曰諸侯方睦於晉臣請嘗之若可君而繼之不可收師而退可以無害君亦無辱子庚帥師治兵於汾於是子蟜伯有子張從鄭伯伐齊子孔子展子西守二子知子孔之謀完守入保子孔不敢會楚師楚師伐鄭次於魚陵右師城上棘遂涉潁次于旗然藹子馮公子格率銳師侵費滑胥靡獻于雍梁右回梅山侵鄭東北至于蟲牢而反子庚門于純門信于城下而還涉于魚鼈之下甚雨及之楚師多凍役徒幾盡晉人聞有楚師師曠曰不害吾驟歌北風又歌南風南風不競多死聲楚必無功董叔曰天道多在西北南師不

時必無功叔向曰
在其君之德也

丁未十有九年春王正月諸侯盟于祝柯

諸侯即同圍齊之諸侯也故不

再叙

左氏傳諸侯還自沂上盟于督揚曰大母侵小

晉人執邾子

邾十七年再

會而復執之

左氏傳

公至自伐齊

因會伐而盟故以伐齊至公羊傳

此同圍齊也何以致伐未圍齊也未圍齊則其言圍齊何抑齊也曷為抑齊為其亟伐也或曰為其驕蹇使其

世子處乎諸侯之上也殺梁傳春秋之義已伐而盟復伐者則以伐致盟不復伐者則以會致祝柯之盟盟

復伐齊與曰非也然則何為以伐致也曰與人同事或執其君或取其地

取邾田自漵水

邾田

邾之田也反侵地正也而取邾田罪也杜氏曰漵水出東海合鄉西南經魯高平湖陸入海蓋邾在魯之南而

潞水在邾境今取邾田自潞水以北者盡歸魯也無民人故止書田左氏傳遂次于泗上疆我田取邾田自潞

水歸之于我晉侯先歸公享晉六卿于蒲圃賜之三命之服軍尉司馬司空與尉候奄皆受一命之服賄荀偃束錦加璧來馮先吳壽夢之鬻荀偃瘕疽生瘍於頭濟河及著雍雍病目出大夫先歸者皆反士句請見弗內請後曰鄭甥可二月甲寅卒而視不可含宣子盟而撫之曰事吳敢不如事主猶視樂懷子曰其為未卒事於齊故也乎乃復撫之曰主苟終所不嗣事于齊者有如河乃瞑受含宣子出曰吾淺之為丈夫也公羊傳其言自潞水何以潞為竟也何言乎以潞為竟李孫宿如晉謝

潞移也

穀梁傳軋辭也其不曰惡盟也

李孫宿如晉

同

圍齊也左氏傳李武子如晉拜師晉侯享之范宣子為政賦黍苗李武子興再拜稽首曰小國之仰大國也如百穀之仰膏雨焉若常膏之其天下輯睦豈唯數邑賦六月李武子以所得於齊之兵作林鍾而銘魯功焉

臧武仲謂季孫曰非禮也夫銘天子令德諸侯言時計功大夫稱伐今稱伐則下等也計功則借人也言時則妨民多矣何以爲銘且夫大伐小取其所得以作彝器銘其功烈以示子孫昭明德而懲無禮也今將借人之

力以救其死若之何銘之小國幸於大國而昭所獲焉以怒之亡之道也

葬曹成公

四月葵速簡也

夏衛孫林父帥師伐齊

左氏傳晉欒黶帥師從衛孫文子伐齊

秋七月辛

卯齊侯環卒

靈公名環子光立是爲莊公

左氏傳夏五月壬辰晦齊靈公卒莊公即位執公子

牙於句瀆之丘以夙沙衛易已衛奔高唐以叛

晉士匄帥師侵齊至穀聞齊侯

卒乃還

春秋伐喪者多矣獨士匄聞喪而反師故備書之以見伐喪者之有罪也程子曰善之也天下

無王諸侯擅命征伐各自已出利人之難以成其私故伐人之喪者比比而士匄乃有惻隱之心慈人之患還

師不侵豈不善乎雖然專命乃還書法亦見其識穀梁
曰為士句者宜奈何宜殯惟而歸命乎介士句若能如
是其善何以加乎左氏傳晉士句侵齊及穀聞喪而
還禮也公羊傳還者何苦辭也何苦爾大其不伐喪
也此受命乎君而伐齊則何大乎其不伐喪大夫以君
命出進退在大夫也穀梁傳還者事未畢之辭也受
命而誅生死無所加其怒不伐喪善之也善之則何為
未畢也君不尸小事臣不專大名善則稱君過則稱已
則民作讓矣士句外專君命故非之也然則為士句者
宜奈何宜殯惟而歸命乎介胡氏傳穀齊地也還者
終事之詞古之為師不伐喪大夫以君命出境有可以
安國家利社稷者則專之可也世衰道微暴行交作利
人之難以成其私欲者衆矣士句乃有惻隱之心聞齊
侯卒而還不亦善乎或曰君不尸小事臣不專大名為
士句者宜殯惟而歸命乎介則非矣使士句未出晉境
如是焉可也已至齊地則進退在士句矣猶欲殯惟而

歸命乎介則非古者命將不從中覆專制境外之意而況喪必不可伐非進退可疑而待請者故至殺聞齊侯

卒乃還善之也

八月丙辰仲孫蔑卒

孟獻子也

齊殺其大夫高厚

左氏

傳齊崔杼殺高厚於灋藍而兼其室書曰齊殺其大夫從君於昏也

鄭殺其大夫公子嘉

鄭公子名嘉三命大夫國人患之乃討西宮之難

左氏傳鄭子孔之為政也專與純門之師子孔當罪以其

甲及子革子良氏之甲守甲辰子展子西帥國人伐之殺子孔而分其室書曰鄭殺其大夫專也子然子孔宋

子之子也士子孔圭媯之子也圭媯之班亞宋子而相親也士子孔亦相親也僖之四年子然卒簡之元年士

子孔卒司徒孔實相子革子良之室三室如一故及於雖子革子良出奔楚子革為右尹鄭人使子展當國子

西聽政立子產為卿西宮之朝公子嘉知而不言既又欲起楚師以去諸大

胡氏傳案左氏初盜殺鄭三卿於

夫故楚人伐鄭至于純門而返至是嘉之為政也專國人患之乃討西宮之難與純門之師子展子西率國人殺嘉而分其室不稱鄭人者嘉則有罪矣而子展子西不能正以王法律諸市朝與眾同棄乃利其室而分之有私意焉故稱國以殺而不去

冬葬齊靈公

不書月缺之也

西郭

西郭魯國都西偏之外郭也左氏傳懼齊也

叔孫豹會晉士匄于柯

鄭氏

曰柯衛地後屬晉在今大名路滑州內黃縣左氏傳齊及晉平盟于大隧故穆叔會范宣子于柯穆叔見叔向賦載馳之四章叔

城武城

武城魯邑子游為武城軍正此武城也今東昌路高

唐州武城縣左氏傳穆叔歸曰齊猶未也不可以不懼乃城武城

戊申二十年春王正月辛亥仲孫速會莒人盟于向

仲孫氏速

名魯三命大夫向莒地因會而盟未前定也盟與莒平也
左氏傳及莒平孟莊子會莒人盟于向督揚之盟

故夏六月庚申公會晉侯齊侯宋公衛侯鄭伯曹伯莒

子邾子滕子薛伯杞伯小邾子盟于澶淵

齊服而晉主盟故不書同

杜氏曰澶淵衛地今大名路開州左氏傳盟于澶淵齊成故也邾人驟至以諸侯之事弗能報也

秋公

至自會仲孫速帥師伐邾

已及齊莒平而邾未服故復伐之左氏傳孟莊子伐邾

以報之蔡殺其大夫公子燹蔡公子履出奔楚

蔡公子名履三命大

夫左氏傳蔡公子燹欲以蔡之晉蔡人殺之公子履其母弟也故出奔楚胡氏傳蔡左氏初蔡文侯欲事

晉曰先君與於踐土之盟晉不可棄且兄弟也畏楚不能行而卒楚人使蔡無常公子燹求從先君以利蔡謀

國之合於義者也。國人乃不順焉而殺變。此何罪矣。故稱國而不去其官。公子履其母弟也。進不能正國。退不能遠害。懼禍而奔。從陳侯之弟黃出奔楚。

未命故止書弟左氏傳

陳慶虎慶寅畏公子黃之偪。愬諸楚曰：「與蔡司馬同謀。楚人以為討公子黃出奔楚。」初，蔡文侯欲事晉曰：「先君與於踐土之盟。晉不可棄。且兄弟也。畏楚不能行。而卒楚人使蔡無常公子變。求從先君以利。蔡不能而死。」書曰：「蔡殺其大夫公子燮。」言不與民同欲也。陳侯之弟黃出奔楚。言非其罪也。公子黃將出奔。呼於國曰：「慶氏無道。求專陳國。暴滅其君而去其親。五年不滅。是無天也。」穀梁傳：「諸侯之尊弟兄不得以屬。通其弟云者。親之也。」親而奔。叔老如齊。

澶淵之盟始及齊平。今始遣聘也。左氏傳：齊子初聘于齊。禮也。

十月丙辰朔日有食之。

誌天變也。

季孫宿如宋。

罷盟而聘也。左氏傳：季

武子如宋報向戌之聘也諸師段逆之以受享賦常棣之七章以卒宋人重賄之歸復命公享之賦魚麗之卒章公賦南山有臺武子去所曰臣不堪也

己二十有一年春王正月公如晉

罷盟而朝也左氏傳公如晉拜師及取

邾田邾庶其以漆閭丘來奔

庶其邾再命大夫也來奔而以其所守邾地二邑來

獻魯也今滕州鄒縣有漆鄉有閭丘亭左氏傳邾庶其以漆閭丘來奔李武子以公姑姊妻之皆有賜於其從者於是魯多盜李孫謂臧武仲曰子盍詰盜武仲曰不可詰也訖又不能季孫曰我有四封而詰其盜何故不可子為司寇將盜是務去若之何不能武仲曰子召外盜而大禮焉何以止吾盜子為正卿而來外盜使訖去之將何以能庶其竊邑於邾以來子以姬氏妻之而與之邑其從者皆有賜焉若大盜禮焉以君之姑姊與

其大邑其次卑牧與焉其小者衣裳劍帶是賞盜也賞而去之其或難焉紇也聞之在上位者灑濯其心壹以待人軌度其信可明徵也而後可以治人夫上之所為民之歸也上所不為而民或為之是以加刑罰焉而莫敢不懲若上之所為而民亦為之乃其所也又可禁乎夏書曰念茲在茲釋茲在茲名言茲在茲允出茲在茲惟帝念功將謂由已壹也信由已壹而後功可念也庶其非卿也以地來雖賤必書重地也公羊傳邾婁庶其者何邾婁大夫也邾婁無大夫此何以書重地也穀梁傳以者不以者也來奔者不言出舉其接我者也漆閭丘不言及小大敵也胡氏傳庶其邾大夫也春秋小國之大夫不書其姓氏微也其以事接我則書其姓氏謹之也莒慶以大夫即魯而圖昏接我不以禮者也邾庶其以地叛其君而來奔接我不以義者也以欲敗禮則身必危以利棄義則國必亂春秋禮義之大宗故小國之大夫接我以利欲則特書其姓氏謹之也漆

一邑閭丘一邑而不言及者庶其之私邑所受於君而食之者也此叛臣何以不書叛書名書地而竊邑叛君之罪見矣夫棄僻陋從諸夏其慕義之心疑可與也然有據城以求援者君子猶以為不可受而況鄰國乎書來奔而魯受叛臣納夏公至自晉公在晉而季孫受庶其地之罪亦見矣

政祿去

秋晉欒盈出奔楚

程子曰盈時無過獨平時多養士以此可疑蓋有戰國四

公子氣象左氏傳欒桓子娶於范宣子生懷子范鞅以其亡也怨欒氏故與欒盈為公族大夫而不相能桓子卒欒祁與其老州賔通幾亡室矣懷子患之祁懼其討也怨諸宣子曰盈將為亂以范氏為死桓主而專政矣曰吾父逐鞅也不怒而以寵報之又與吾同官而專之吾父死而益富死吾父而專於國有死而已吾幾從之矣其謀如是懼害於主吾不敢不言范鞅為之徵懷子好施士多歸之宣子畏其多士也信之懷子為下卿

宣子使城著而遂逐之秋樂盈出奔楚宣子殺箕遺黃
淵嘉父司空靖邠豫董叔邠師申書羊舌虎叔黹囚伯
華叔向籍偃人謂叔向曰子離於罪其為不知乎叔向
曰與其死之若何詩曰優哉游哉聊以卒歲知也樂王
鮒見叔向曰吾為子請叔向弗應出不拜其人皆咎叔
向叔向曰必祁大夫室老聞之曰樂王鮒言於君無不
行求赦吾子吾子不許祁大夫所不能也而曰必由之
何也叔向曰樂王鮒從君者也何能行祁大夫外舉不
棄讎內舉不失親其獨遺我乎詩曰有覺德行四國順
之夫子覺者也晉侯問叔向之罪於樂王鮒對曰不棄
其親其有焉於是祁奚老矣聞之乘駟而見宣子曰詩
曰惠我無疆子孫保之書曰聖有謨訓明徵定保夫謀
而鮮過惠訓不倦者叔向有焉社稷之固也猶將十世
宥之以勸能者今壹不免其身以棄社稷不亦惑乎蘇
殽而禹興伊尹放太甲而相之卒無怨色管蔡為戮周
公右王若之何其以虎也棄社稷子為善誰敗不勉多

殺何為宣子說與之乘以言諸公而免之不見叔向而
歸叔向亦不告免焉而朝初叔向之母妒叔虎之母美
而不使其子皆諫其母其母曰深山大澤實生龍蛇彼
美余懼其生龍蛇以禍女女救族也國多大寵不仁人
間之不亦難乎余何愛焉使往視寢生叔虎美而有勇
力樂懷子嬖之故羊舌氏之族及於難樂盈過於周周
西鄙掠之辭於行人曰天子陪臣盈得罪於王之守臣
將逃罪罪重於郊甸無所伏竄敢布其死昔陪臣書能
輸力於王室王施惠焉其子鰥不能保任其父之勞大
君若不棄書之力亡臣猶有所逃若棄書之力而思鰥
之罪臣戮餘也將歸死於尉氏不敢還矣敢布四體唯
大君命焉王曰尤而效之其又甚焉使司徒禁掠樂氏
者歸所取焉使
候出諸輶輶

九月庚戌朔日有食之冬十月庚辰朔

日有食之

兩月連食
為異之甚

曹伯來朝

左氏傳曹武公
來朝始見也

公會晉

侯齊侯宋公衛侯鄭伯曹伯莒子邾子于商任

杜氏曰商任地

闕

左氏傳會於商任錮樂氏也公羊傳十有一月庚子孔子生

戊二十有二年春王正月公至自會

公行例書至其有不書或缺文或不

告廟也非微詞隱義

夏四月

無事例書時書首月

秋七月辛酉叔老卒

子叔齊子

也冬公會晉侯齊侯宋公衛侯鄭伯曹伯莒子邾子滕

子薛伯杞伯小邾子于沙隨公至自會

沙隨宋地也左氏傳會于沙

隨復錮樂氏也樂盈猶在齊晏子曰禍將作矣齊將伐晉不可以不懼

胡氏傳案左氏會于商任錮樂氏也

會于沙隨復錮樂氏也古者大夫去國君不拂其社稷不繫繫其子弟不收其田邑使人導之出疆又先之於

其所往勅五典厚人倫也今晉不念藥氏世勲而逐盈
又將搏執之而命諸侯無得納馬則亦過也楚逐申公
巫臣子反請以重幣錮之楚子曰止彼若能利國家雖
重幣晉將可乎若無益於晉晉將棄之何勞錮焉其賢
于商任沙隨
楚殺其大夫公子追舒
公子名追舒二命大夫啖氏曰楚子

必當不與其子謀殺其父豈有父將見殺而子不告乎
左氏傳楚觀起有寵於令尹子南未益祿而有馬數
十乘楚人患之王將討焉子南之子棄疾為王御士王
每見之必泣棄疾曰君三泣臣矣敢問誰之罪也王曰
令尹之不能溺所知也國將討焉溺其居乎對曰父戮
子居君焉用之洩命重刑臣亦不為王遂殺子南於朝
螺觀起於四竟子南之臣謂棄疾請徙子尸於朝曰君
臣有禮唯二三子三日棄疾請尸王許之既葬其徒曰
行乎曰吾與殺吾父行將焉入曰然則臣王乎曰棄父
事仇吾弗忍也遂縊而死復使遽子馮為令尹公子齮

為司馬屈建為莫數有寵於遠子者八人皆無祿而多
馬他日朝與申叔豫言弗應而退從之入於人中又從
之遂歸退朝見之曰子三困我於朝吾懼不敢不見吾
過子姑告我何疾我也對曰吾不免是懼何敢告子曰
何故對曰昔觀起有寵於子南子南得罪觀起車裂何
故不懼自御而歸不能當道至謂八人者曰吾見申叔
夫子所謂生九而肉骨也知我者如夫子
則可不然請止辭八人者而後王安之

辛亥二十有三年春王二月癸酉朔日有食之

紀天變也

三月

己巳杞伯匄卒

孝公名匄子益姑立是為文公左氏傳杞孝公卒晉悼夫人喪之平公不徹

樂非禮也禮為鄰國闕

夏邾界我來奔

邾再命大夫名界我公羊傳邾婁鼻我者何邾婁

大夫也邾婁無大夫此何以書以近書也

葬杞孝公

不書月史闕文

陳殺其大夫慶

虎及慶寅陳侯之弟黃自楚歸于陳

慶氏寅虎名三命大夫黃因二慶而

出奔故殺二慶而黃歸書自楚楚納之也

左氏傳陳

侯如楚公子黃愬二慶於楚楚人召之使慶樂往殺之

慶氏以陳叛夏屈建從陳侯圍陳陳人城板隊而殺人

役人相命各殺其長遂殺慶虎慶寅楚人納公子黃君

子謂慶氏不義不可肆也故書曰惟命不予常

穀梁

傳稱國以殺罪累上也及慶虎慶寅累也

胡氏傳葉

左氏傳慶虎無道求專陳國暴蔑其君畏公子黃之逼

而愬諸楚曰與蔡司馬同謀楚人以為討公子黃奔楚

愬之二慶以陳叛楚屈建圍陳殺二慶夫人君擅一國

之利勢使權臣暴蔑其身而不能遠欲去其親而不能

保諧愬之於大國而不能辨至因夷狄之力然後能克

則非君人之道也故二慶之死稱國以殺公子黃之出

時以弟書者譏歸陳侯也

晉欒盈復入于晉入于曲沃

凡此皆春秋端本之意

有罪出奔位絕故書復入不曰自齊非齊納之也入于曲沃據邑以叛也曲沃晉地欒氏封邑今平陽路絳州曲沃縣左氏傳晉將嫁女于吳齊侯使析歸父媵之以藩戴欒盈及其士納諸曲沃欒盈夜見胥午而告之對曰不可天之所廢誰能興之子必不免吾非愛死也知不集也盈曰雖然因子而死吾無悔矣我實不天子無咎焉許諾伏之而勝曲沃人樂作午言曰今也得欒孺子何如對曰得主而為之死猶不死也皆歎有泣者爵行又言皆曰得主何冀之有盈出徧拜之四月欒盈帥曲沃之甲因魏獻子以晝入絳初欒盈佐魏莊子於下軍獻子私焉故因之趙氏以原屏之難怨欒氏韓趙方睦中行氏以伐秦之役怨欒氏而固與范氏和魏知悼子少而聽於中行氏程鄭嬖於公唯魏氏及七輿大夫與之樂王鮒侍坐於范宣子或告曰欒氏至矣宣子懼桓子曰奉君以走國宮必無害也且欒氏多怨子為政欒氏自外子在位其利多矣既有利權又執民柄將

何懼焉樂氏所得其唯魏氏子而可彊取也夫克亂在
權子無懈矣公有姻喪王鮒使宣子墨綰冒經二婦人
輦以如公奉公以如固宮范鞅逆魏舒則成列既來將
逆樂氏矣趨進曰樂氏帥賊以入鞅之父與二三子在
君所矣使鞅逆吾子鞅請驂乘持幣遂超乘右撫劔左
援幣命驅之出僕請鞅曰之公宣子逆諸階執其手賂
之以曲沃初斐豹隸也著于丹書樂氏之力臣曰督戎
國人懼之斐豹謂宣子曰苟楚丹書我殺督戎宣子喜
曰而殺之所不請於君楚丹書者有如日乃出豹而閉
之督戎從之踰隱而待之督戎踰入豹自後擊而殺之
范氏之徒在臺後樂氏乘公門宣子謂鞅曰矢及君屋
死之鞅用劔以帥卒樂氏退攝車從之遇樂樂曰樂免
之死將訟女於天樂射之不中又注則乘槐本而覆或
以戟鉤之斷肘而死樂魴傷樂盈奔曲沃晉人圍之
公羊傳曲沃者何晉之邑也其言入于晉入于曲沃何
樂盈將入晉晉人不納由子曲沃而入也胡氏傳樂

氏晉室之世臣故盈雖出奔猶繫于晉復入者甚逆之
詞為其既絕而復入也曲沃者所食之地當是時權寵
之臣各以利誘其下使為之用至於殺身而不避莫知
有君臣之分者也故聞語樂孺子者則或泣或歎以為
得主而為之死猶不死也盈從之遂入降乘公門若非
天棄樂氏又有范鞅之謀晉亦殆矣原其失在於錮之
甚急使無所容於天地之間是以至此極春秋備書之
以見人而不仁疾之已甚亂也其為後世鑒豈不深切
著明也哉

秋齊侯伐衛遂伐晉

齊侯伐衛而晉不能救故齊
得以遂伐之中國無伯可知

矣左氏傳秋齊侯伐衛先驅穀榮御王孫揮召揚為
右申驅成秩御莒恒申鮮虞之傅摯為右曹開御戎晏
父戎為右貳廣上之登御邢公盧蒲葵為右啟牟成御
襄罷師狼蘧疏為右肱商子車御侯朝桓跳為右大殿
商子游御夏之御冠崔如為右燭庸之越駟乘自衛將
遂伐晉晏平仲曰君恃勇力以伐盟主若不濟國之福

也不德而有功憂必及君崔杼諫曰不可臣聞之小國
間大國之敗而斃焉必受其咎君其圖之弗聽陳文子
見崔武子曰將如君何武子曰吾言於君君弗聽也以
為盟主而利其難羣臣若急君於何有子姑止之文子
退告其人曰崔子將死乎謂君甚而又過之不得其死
過君以義猶自抑也況以惡乎齊侯遂伐晉取朝歌為
二隊入孟門登大行張武軍於熒庭戊郕郕封少水以
報平陰之役乃還趙勝帥東陽之師以追之獲宴甯

八月叔孫豹帥師救晉次于雍榆

救盟主之急而不救
進豹之罪亦不免矣

雍榆晉地在今衛輝路汲縣之東程子曰晉有欒盈之
難重以齊侯之伐魯令豹帥師救之斯義事也豹乃急
棄君命不恤同姓次雍榆率不克救豹罪著矣左氏
傳叔孫豹帥師救晉次于雍榆禮也公羊傳曷為先
言救而後言次先通君命也已卯仲孫速卒孟莊
穀梁傳言救後次非救也

月乙亥臧孫紇出奔邾

臧武仲也朱子曰武仲得罪奔邾自邾如防使請後而避邑以

示若不得請則將據邑以叛是要君也

左氏傳季武

子無適子公彌長而愛悼子欲立之訪於申豐曰彌與

紇吾皆愛之欲擇才焉而立之申豐趨退歸盡室將行他日又訪焉對曰其然將具敝車而行乃止訪於臧紇

臧紇曰飲我酒吾為子立之季氏飲大夫酒臧紇為客既獻臧孫命北面重席新樽絮之召悼子降逆之大夫

皆起及旅而召公鉏使與之薑季孫失色季氏以公鉏為馬正愠而不出閔子馬見之曰子無然禍福無門唯

人所召為人子者患不孝不惠無所敬共文命何常之有若能孝敬富倍季氏可也姦回不軌禍倍下民可也

公鉏然之敬共朝夕恪居官次季孫喜使飲已酒而以具往盡舍旃故公鉏氏富又出為公左宰孟孫惡臧孫

季孫愛之孟氏之御駟豐黜好羯也曰從余言必為孟孫再三云羯從之孟莊子疾豐黜謂公鉏苟立羯請讎

臧氏公鉏謂季孫曰孺子秩固其所也若立羯則李氏信有力於臧氏矣弗應已卯孟孫卒公鉏奉羯立于戶側季孫至入哭而出曰秩焉在公鉏曰羯在此矣季孫曰孺子長公鉏曰何長之有唯其才也且夫子之命也遂立羯秩奔邾臧孫入哭甚哀多涕出其御曰孟孫之惡子也而哀如是季孫若死其若之何臧孫曰季孫之愛我疾疾也孟孫之惡我藥石也美疾不如惡石夫石猶生我疾之美其毒滋多孟孫死吾亡無日矣孟氏聞告於季孫曰臧氏將為亂不使我葬季孫不信臧孫聞之戒冬十月孟氏將辟藉除于臧氏臧孫使正夫助之除於東門甲從已而視之孟氏又告季孫季孫怒命攻臧氏乙亥臧紇斬鹿門之闕以出奔邾初臧宣叔娶于鑄生賈及為而死繼室以其姪穆姜之娘子也生紇長於公宮姜氏愛之故立之臧賈臧為出在鑄臧武仲自邾使告臧賈且致大蔡馬曰紇不佞失守宗祧敢告不弔紇之罪不及不祀子以大蔡納請其可賈曰是家

之禍也非子之過也賈聞命矣再拜受龜使為以納請
遂自為也臧孫如防使來告曰紇非能害也知不足也
非敢私請苟守先祀無廢二黜敢不避邑乃立臧為臧
紇致防而奔齊其人曰其盟我乎臧孫曰無辭將盟臧
氏季孫召外史掌惡臣而問盟首焉對曰盟東門氏也
曰母或如東門遂不聽公命殺適立庶盟叔孫氏也曰
母或如叔孫僑如欲廢國常蕩覆公室季孫曰臧孫之
罪皆不及此孟椒曰盍以其犯門斬闕季孫用之乃盟
臧氏曰母或如臧孫紇干國之紀犯門斬闕臧孫聞之
曰國有人焉誰居其孟椒乎殺梁傳其日正臧孫紇
之出也遽伯玉曰不以道事其君者其出乎
晉人殺欒盈
位已絕故不稱大夫左氏傳晉人
克欒盈于曲沃盡殺欒氏之族黨欒魴出奔宋書曰晉
人殺欒盈不言大夫言自外也公羊傳曷為不言殺
其大夫非其大夫也
齊侯襲莒
輕兵掩擊出其不意
殺梁傳惡之弗有也故曰襲左氏傳齊

侯還自晉不入遂襲莒門于且于傷股而退明日將復戰期于壽舒杞殖華還載甲夜入且于之隧宿于莒郊明日先過莒子於蒲侯氏莒子重賂之使無死曰請有盟華周對曰貪貨棄命亦君所惡也昏而受命日未中而棄之何以事君莒子親鼓之從而伐之獲杞梁莒人行成齊侯歸過杞梁之妻于郊使弔之辭曰殖之有罪何辱命焉若免於罪猶有先人之敔廬在下妾不得與郊弔齊侯弔諸其室

壬二十有四年春叔孫豹如晉

謀侵齊而往聘也左氏傳穆叔如晉范宣子

逆之問焉曰古人有言曰死而不朽何謂也穆叔未對宣子曰昔句之祖自虞以上為陶唐氏在夏為御龍氏在商為豕韋氏在周為唐杜氏晉主夏盟為范氏其是之謂乎穆叔曰以豹所聞此之謂世祿非不朽也魯有先大夫曰臧文仲既沒其言立其是之謂乎豹聞之大上有立德其次有立功其次有立言雖久不廢此之謂

不朽若夫保姓受氏以守宗祊世不絕
仲孫羯帥師侵

齊

仲孫氏羯名魯三命大夫為晉侵
也左氏傳孟孝伯侵齊晉故也

夏楚子伐吳

左氏傳楚

子為舟師以伐吳不為軍政無功而還
秋七月甲子朔日有食之既

既盡

齊崔杼帥師伐莒

齊襲莒而不大水為災甚
利故再加伐八月癸巳

朔日有食之

兩朔連食為異之甚公會晉侯宋公衛侯鄭伯曹伯

莒子邾子滕子薛伯杞伯小邾子于夷儀

謀伐齊也左氏傳會于

夷儀將以伐齊水不克

冬楚子蔡侯陳侯許男伐鄭

楚彊而晉不競故三國畏

而服從與之伐鄭諸侯在會而不救見晉伯之衰左氏傳楚子伐鄭以救齊

鄭晉侯使張骼輔躒致楚師求御於鄭鄭人卜宛射犬
吉子大叔戒之曰大國之人不可與也對曰無有東寡
其上一也大叔曰不然部婁無松柏二子在幄坐射犬
于外既食而後食之使御廣車而行已皆乘乘車將及
楚師而後從之乘皆踞轉而鼓琴近不告而馳之皆取
胄於橐而胄入壘皆下搏人以投收禽狹囚弗待而出
皆超乘抽弓而射既免復踞轉而鼓琴曰公孫同乘兄
弟也胡再不謀對曰曩者志入而已今則怯也皆笑曰
公孫之亟也楚子自棘澤還使薳啟疆帥師送陳無宇
吳人為楚舟師之役故召舒鳩人舒鳩人叛楚楚子師
于荒浦使沈尹壽與師祁犂讓之舒鳩子敬逆二子而
告無之且請受盟二子復命王欲伐之薳子曰不可彼
告不叛且請受盟而又伐之伐無罪也姑歸息民以待
其卒卒而不戒吾又何求若猶叛我無辭有庸乃還

公至自會

公行例
書至

陳鍼宜咎出奔楚

鍼氏宜咎名三命
大夫左氏傳陳

人復討慶氏之黨
鍼宜咎出奔楚

叔孫豹如京師

自宣九年仲孫蔑如京師其後五十餘年

不往從此之後終春秋不復再往矣左氏傳齊人城邾穆叔如周聘且賀城王嘉其有禮也賜之大路大

饑災甚也

穀梁傳五穀不升為大饑一穀不升謂之

饑二穀不升謂之饑三穀不升為之饑四穀不升謂

之康五穀不升謂之大侵大侵之禮君食不兼味臺榭

不塗弛侯廷道不除百官布而不制鬼神禱而不祀此

大侵之禮也胡氏傳古者救災之政若國凶荒或發

廩以賑乏或移粟以通用或徙民以就食或為粥溢以

救饑孽或興工作以聚失業之人緩刑舍禁弛力薄征

索鬼神除盜賊弛射侯而不宴置廷道而不修殺禮物

而不備雖有旱乾水溢民無菜色所以備之者如此其

至是年秋有陰沴之災而冬大饑蓋所以賑業之者有

不備矣故書之以為戒

癸丑二十有五年春齊崔杼帥師伐我北鄙

報仲孫羯之使左氏傳

以報孝伯之師也公患之使告于晉孟公綽曰崔子將有大志不在病我必速歸何患焉其來也不寇使民不嚴異於他日齊師徒歸齊棠公之妻東郭偃之姊也東郭偃臣崔武子棠公死偃御武子以弔焉見棠姜而美之使偃取之偃曰男女辨姓今君出自丁臣出自桓不可武子筮之遇困三之失過三史皆曰吉示陳文子文子曰夫從風風墮妻不可娶也且其繇曰困于石據于蒺藜入于其宮不見其妻凶困于石往不濟也據于蒺藜所恃傷也入于其宮不見其妻凶無所歸也崔子曰蒺藜也何害先夫當之矣遂取之莊公通焉驟如崔氏以崔子之冠賜人侍者曰不可公曰不為崔子其無冠乎崔子因是又以其間伐晉也曰晉必將報欲弑公以說于晉而不獲間公鞭侍人賈夏五月乙亥齊崔杼弑其舉而又近之乃為崔子間公

君光

莊公名光崔杼弑之而立其庶弟杵臼是為景公
左氏傳夏五月莒為且于之役故莒子朝于齊甲

戌饗諸北郭崔子稱疾不視事乙亥公問崔子遂從姜氏姜入于室與崔子自側戶出公拊楹而歌侍人賈舉止衆從者而入閉門甲與公登臺而請弗許請盟弗許請自刃於廟弗許皆曰君之臣杼疾病不能聽命近於公宮陪臣干俶有淫者不知二命公踰牆又射之中股反隊遂弑之賈舉州郈師公孫叔封具鐸父襄伊倮埋皆死祝佗父祭于高唐至復命不訖弁而死於崔氏中蒯侍漁者退謂其宰曰爾以帑免我將死其宰曰免是反子之義也與之皆死崔氏殺驪蔑于平陰晏子立於崔氏之門外其人曰死乎曰獨吾君也乎哉吾死也曰行乎曰吾罪也乎哉吾亡也曰歸乎曰君死安歸君民者豈以陵民社稷是主臣君者豈為其口實社稷是養故君為社稷死則死之為社稷亡則亡之若為已死而為已亡非其私暱誰敢任之且人有君而弑之吾馬

得死之而焉得亡之將庸何歸門啟而入枕尸股而哭之興三踊而出人謂崔子必殺之崔子曰民之望也舍之得民盧蒲葵奔晉王何奔莒叔孫宣伯之在齊也叔孫還納其女於靈公嬖生景公丁丑崔杼立而相之慶封為左相盟國人於大宮曰所不與崔慶者晏子仰天歎曰嬰所不唯忠於君利社稷者是與有如上帝乃歆辛己公與大夫及莒子盟大史書曰崔杼弑其君崔子殺之其弟嗣書而死者二人其弟又書乃舍之南史氏聞大史盡死執簡以往聞既書矣乃還閭丘嬰以帷縛其妻而載之與申鮮虞乘而出鮮虞推而下之曰君昏不能匡危不能救死不能死而知匿其暱其誰納之行及奔中將舍嬰曰崔慶其追我鮮虞曰一與一誰能懼我遂舍枕轡而寢食馬而食駕而行出奔中謂嬰曰速驅之崔慶之衆不可當也遂來奔崔氏側莊公于北郭丁亥葵諸士孫之里四嬖不蹕下車七乘不以兵甲穀梁傳莊公失言淫于崔氏胡氏傳齊莊公見弑賈舉州

緯等十人皆死之而不得以死節稱何也所謂死節者以義事君貴難陳善有所從違而不苟者是也雖在屬車後乘必不肯同入崔氏之宮矣若此十人者獨以勇力聞皆達君之惡從君於皆亂而非公嬖之者死非其所比諸匹夫匹婦自經於溝瀆而莫之知者猶不逮也晏平仲曰君民者豈以陵民社稷是主臣君者豈為其口實社稷是養故君為社稷死則死之為社稷亡則亡之若為己死而為己亡非其私暱誰敢任之此十人者真其私暱任此宜矣雖殺身不償責安得以死節許之哉

公會晉侯宋公衛侯鄭伯

曹伯莒子邾子滕子薛伯杞伯小邾子于夷儀

再合諸侯謀齊

也左氏傳晉侯濟自泮會于夷儀伐齊以報朝歌之役齊人以莊公說使縣鉏請成慶封如師男女以班賂晉侯以宗器樂器自六正五吏三十師三軍之大夫百官之正長師旅及處守者皆有賂晉侯許之使叔向告

於諸侯公使子服惠伯對曰君舍有罪以靖小國君之
惠也寡君聞命矣晉侯使魏舒宛沒逆衛侯將使衛與
之夷儀崔子止其帑以求五鹿胡氏傳諸侯會于夷
儀將以討齊齊使隰鉏請成慶封如師男女以班賂晉
侯以宗器樂器自六正五吏三十帥三軍之大夫百官
之正長師旅及處守者皆有賂晉侯許之夫晉本為報
朝歌之役來討及會夷儀既聞崔杼之執則宜下令三
軍建而復旆聲於齊人問莊公之故執崔杼以戮之謀
於齊眾置君以定其國示天討之義則方伯連帥之職
脩矣今乃知賊不討而受其賂則是與之同情也故春
秋治之如下

六月壬子鄭公孫舍之帥師入陳

鄭公孫舍之

三命大夫報伐也

左氏傳初陳侯會楚子伐鄭常陳

隨者井埋木刊鄭人怨之

六月鄭子展子產帥車七百

乘伐陳宵突陳城遂入之陳侯扶其大子偃師奔墓遇
司馬桓子曰載余曰將巡城遇賈獲載其母妻下之而

授公車公曰舍而母辭曰不祥與其妻扶其母以奔墓亦免子展命師無入公宮與子產親御諸門陳侯使司馬桓子賂以宗器陳侯免擁社使其衆男女別而累以待於朝子展執紼而見再拜稽首承飲而進獻子美入數俘而出祝祓社司徒致民

秋八月己巳諸侯同盟于

重丘

因會而盟故不再叙重丘齊地今東昌路德州左氏傳齊成故也趙文子為政令薄諸侯之幣而

重其禮穆叔見之謂穆叔曰自今以往兵其少弭矣齊崔慶新得政將求善於諸侯武也知楚令尹若敬行其禮道之以文辭以靖諸侯兵可以弭胡氏傳崔杼既弑其君矣晉侯受其賂而許之成故盟于重丘特書曰

同公至自會

因會而盟故以會至

衛侯入于夷儀

上書會于夷儀衛侯剽也此乃

衛侯衍也

左氏傳衛獻公入于夷儀者何衛之邑也昌為不言入于衛諛君以弑也

公羊傳陳儀胡氏

傳鄭伯突入于欒衛侯入于夷儀其入則一或名或不名者鄭伯李正以立而國人君之諸侯助之不知其義不可以有國也故特書其名著王法以絕之衛侯蔑其冢卿失國出奔固不為無罪矣然有世叔儀以守有母弟鱣以出或撫其內或營其外有歸道焉則其義猶未絕也故止書其爵而不名及甯喜弑剽復歸于衛然後書名此聖人俟其改過遷善不輕絕人之意也

楚屈建帥師

滅舒鳩

屈氏建名三命大夫舒鳩偃姓子爵國在今無為州廬江縣陶城左氏傳舒鳩人卒叛楚令

尹子木伐之及離城吳人救之子木遽以右師先子彊息桓子捷子駢子孟師左師以退吳人居其間七日子彊曰久將墊隘隘乃禽也不如速戰請以其私卒誘之簡師陳以待我我先則進奔則亦視之乃可以免不然必為吳禽從之五人以其私卒先擊吳師吳師奔登山以望見楚師不繼復逐之傳諸其軍簡師會之吳師大

敗遂圍舒鳩舒鳩
清八月楚滅舒鳩

冬鄭公孫夏帥師伐陳

公孫名夏三命大夫夏伐

之未服故再伐

左氏傳鄭子產獻捷于晉我服將事晉人問陳之罪對曰昔虞閼父為周陶正以服事我先

王我先王賴其利器用也與其神明之後也庸以元女大姬配胡公而封諸陳以備三恪則我周之自出至于

今是賴桓公之亂蔡人欲立其出我先君莊公奉五父而立之蔡人殺之我又與蔡人奉戴厲公至於莊宣皆

我之自立夏氏之亂成公播蕩又我之自入君所知也今陳忘周之大德蔑我大惠棄我姻親介恃楚眾以馮

陵我敝邑不可億逞我是以有往年之告未獲成命則有我東門之役當陳隧者并埋木刊敝邑大懼不競而

耻大姬天誘其衷敝邑心陳知其罪授手于我用敢獻功晉人曰何故侵小對曰先王之命唯罪所在各致

其辟且昔天子之地一圻列國一同自是以衰今大國多數圻矣若無侵小何以至焉晉人曰何故戎服對曰

我先君武莊為平桓卿士城濮之後文公布命曰各復舊職命我文公戎服輔王以授楚捷不敢廢王命故也士莊伯不能詰復於趙文子文子曰其辭順犯順不祥乃受之冬十月子展相鄭伯如晉拜陳之功子西復伐陳陳及鄭平仲尼曰志有之言以足志文以足言不言誰知其志言之無文行而不遠晉為伯鄭入陳非文辭不為功

十有二月吳子遏伐楚門于巢卒

吳子遏即諸樊也因伐楚

而過巢攻其門為巢人所射而卒據事直書無褒貶巢爵姓未詳國在今廬州路無為州巢縣左氏傳吳子諸樊伐楚以報舟師之役門于巢巢牛臣曰吳王勇而輕若啟之將親門我獲射之必殪是君也死疆其少安從之吳子門焉牛臣隱於短牆以射之卒公羊傳門于巢卒者何入門乎巢而卒也入門乎巢而卒者何入巢之門而卒也吳子謂何以名傷而反未至于舍而卒也穀梁傳以伐楚之事門于巢卒也于巢者外乎楚也門于

巢乃伐楚也諸侯不生名取卒之名加之伐楚之上者見以伐楚卒也其見以伐楚卒何也古者大國過小邑小邑必飾城而請罪禮也吳子謁伐楚至巢入其門門人射吳子有矢創反舍而卒古者雖有文事必有武備非巢之不飾城而請罪非吳子之自輕也胡氏傳巢南國也其言門于巢卒者吳子將伐楚引師至巢入其門巢人射諸城上矢中吳子而卒非吳子之自輕而見殺也古者入境必假道過門必釋甲入國則不馳或曰古者大國過小邑小邑必飾城而請罪亦非巢之輕以一矢相加不飾城而請罪也

甲寅二十有六年春王二月辛卯衛甯喜弑其君剽

剽雖非正

然已立為君而列會諸侯故書君左氏傳衛獻公使子鮮為復辭敬如彊命之對曰君無信臣懼不免敬如曰雖然以吾故也許諾初獻公使與甯喜言甯喜曰必子鮮在不然必敗故公使子鮮子鮮不獲命於敬如以

公命與甯喜言曰苟反政由甯氏祭則寡人甯喜告遽伯玉伯玉曰琬不得聞君之出敢聞其入遂行從近闕出告右宰穀右宰穀曰不可獲罪於兩君天下誰畜之悼子曰吾受命於先人不可以貳穀曰我請使馬而觀之遂見公於夷儀反曰君淹恤在外十二年矣而無憂色亦無寬言猶夫人也若不已死無日矣悼子曰子鮮在右宰穀曰子鮮在何益多而能亡於我何為悼子曰雖然弗可以已孫文子在戚孫嘉聘於齊孫襄居守二月庚寅甯喜右宰穀伐孫氏不克伯國傷甯子出舍於郊伯國死孫氏夜哭國人召甯子甯子復攻孫氏克之辛卯殺子叔及太子角書曰甯喜弑其君剽言罪之在甯氏也穀梁傳此不正其日何也殖也立之喜也君之正也胡氏傳喜嘗受命於其父使納獻公以免逐君之惡衛侯出入皆以爵稱於義未絕而剽以公孫非次而立又未有說焉則喜之罪應未減矣亦以弑其君書何也奕者舉棋不定不勝其耦况置君乎於衍則殖

也出之喜也納之於剽則殖也立之喜也弑之是奕棋
之不若也不思其終亦甚矣故聖人特正其為弑君之
罪示天下後世使知慎於廢立之際而不敢忽也霍光
以大義廢昌邑立宣帝猶有言其罪者而朝廷加肅况
私意邪范粲桓彝之徒殺身不顧君

子所以深取之者知春秋之旨矣

衛孫林父入于戚

以叛

林父逐衍而

立剽寧喜弑剽故林父據戚屬於晉

叛罪孫氏也臣之祿君實有之義則進否則奉身而退
專祿以周旋戮也胡氏傳案左氏孫林父以戚如晉
書曰入于戚以叛者著其據土背君之罪

甲午衛侯衍

復歸于衛

寧喜弑剽故衍復歸

左氏傳衛侯入書曰

復歸國納之也大夫逆于竟者執其手而與
之言道逆者自車揖之逆於門者領之而已公至使讓
大叔文子曰寡人淹恤在外二三子皆使寡人朝夕聞

衛國之言吾子獨不在寡人古人有言曰非所怨勿怨寡人怨矣對曰臣知罪矣臣不佞不能負羈縻以從杆牧圉臣之罪一也有出者有居者臣不能戴通外內之言以事君臣之罪二也有二罪敢忘其死乃行從近關出公使止之公羊傳此護君以弑也其言復歸何惡刺也曷為惡刺刺之立於是未有說也然則曷為不言刺之立不言刺之立者以惡衛侯也穀梁傳日歸見知弑也胡氏傳衛侯出奔齊入于夷儀皆以爵稱今既復歸而得國矣乃書其名何也人之有德慧術知者常存乎疾疾衛侯淹恤在外十有二年困於心衡於慮久矣此生於憂患之時而一旦得國失信無刑猶夫人也則是困而弗革雖復得國猶非其國也此見春秋侯人改過之深而責人自棄之重欲其彊於為善之意也

夏晉侯使荀吳來聘

荀氏吳名

晉三命大夫

左氏傳晉人為孫氏故召諸侯將以討衛也夏中行穆子來聘召公也

公會晉人

鄭良霄宋人曹人于澶淵

晉主會故先序良霄三命故先宋人左氏之說非也左

氏傳六月公會晉趙武宋向戌鄭良霄曹人于澶淵以討衛疆戚田取衛西鄙懿氏六十以與孫氏趙武不書尊公也向戌不書後也鄭先宋不失所也於是衛侯會之晉人執甯喜北宮遺使女齊以先歸衛侯如晉晉人執而囚之於士弱氏秋七月齊侯鄭伯為衛侯故如晉晉侯兼享之晉侯賦嘉樂國景子相齊侯賦蓼蕭子展相鄭伯賦緇衣叔向命晉侯拜二君曰寡君敢拜齊君之安我先君之宗祧也敢拜鄭君之不貳也國子使晏平仲私於叔向曰晉君宣其明德於諸侯恤其患而補其闕正其違而治其煩所以為盟主也今為臣執君若之何叔向告趙文子文子以告晉侯晉侯言衛侯之罪使叔向告二君國子賦鸞之柔矣子展賦將仲子兮晉侯乃許歸衛侯叔向曰鄭七穆秋宋公殺其世子痤被譖罕氏其後亡者也子展儉而壹

自殺由君致之故書君殺左氏傳初宋萬司徒生女
子赤而毛棄諸堤下共姬之妾取以入名之曰棄長而
美平公入夕共姬與之食公見棄也而視之尤姬納諸
御嬖生佐惡而婉太子痤美而狠合左師畏而惡之寺
人患牆伊戾為太子內師而無寵秋楚客聘于晉過宋
太子知之請野享之公使往伊戾請從之公曰夫不惡
女子乎對曰小人之事君子也惡之不敢遠好之不敢近
敬以待命敢有貳心乎縱有共其外莫共其內臣請往
也遣之至則欲用牲加書徵之而騁告公曰大子將為
亂既與楚客盟矣公曰為我子又何求對曰欲速公使
視之則信有焉問諸夫人與左師則皆曰固聞之公因
大子大子曰唯佐也能免我召而使請曰日中不來吾
知死矣左師聞之聒而與之語過期乃縊而死佐為大
子公徐闡其無罪也乃烹伊戾左師見夫人之步馬者
問之對曰君夫人氏也左師曰誰為君夫人余胡弗知
圍人歸以告夫人夫人使饋之錦與馬先之以玉曰君

之妾棄使某獻左師改命曰君夫人而後再拜稽首受之
胡氏傳殺世子母弟直書君者甚之也宋寺人伊戾為太子內師無寵譖於宋公而殺之則賊世子痤者寺人矣而獨甚宋公何哉譖言之得行也必有嬖妾配嫡以惑其心又有小人欲結內援者以為之助然後受惡一移父子夫婦之間不能相保者衆矣尸此者其誰乎晉獻之殺申生宋公之殺痤直稱君者春秋正其本之意

晉人執衛甯喜

公羊傳此執有

罪何以不得為伯討

八月壬午許男甯卒于楚

如楚未歸而卒

據事直書

左氏傳許靈公如楚請伐鄭曰師不興孤不歸矣八月卒于楚楚子曰不伐鄭何以求諸侯

冬

楚子蔡侯陳侯伐鄭

左氏傳十月楚子伐鄭鄭人將禦之子產曰晉楚將平諸侯將和楚

王是故昧於一來不如使逞而歸乃易成也夫小人之性囂於勇嗇於禍以足其性而求名焉者非國家之利

也若何從之子展說不潔寇十二月乙酉入南里墮其城涉於樂氏門于師之梁縣門蔡獲九人焉涉于汜而歸而後葬

葬許靈公

靈公名甯子賈立是為悼公

乙卯二十有七年春齊侯使慶封來聘

慶氏封名齊三命大夫左氏傳齊

慶封來聘其車義孟孫謂叔孫曰慶季之車不亦美乎叔孫曰豹聞之服美不稱必以惡終美車何為叔孫與慶封食不敬為賦

夏叔孫豹會晉趙武楚屈建蔡公孫

歸生衛石惡陳孔奐鄭良霄許人曹人于宋

趙氏武名晉三命大

夫蔡公孫名歸生三命大夫石氏惡名衛三命大夫孔氏奐名陳三命大夫許曹書人一命微者也政在大夫故大夫為會中國無伯故楚得列會左氏傳宋向戌善於趙文子又善於令尹子木欲弭諸侯之兵以為名如

晉告趙孟趙孟謀於諸大夫韓宣子曰兵民之殘也財
用之蠹小國之大害也將或弭之雖曰不可必將許之
弗許楚將許之以召諸侯則我失為盟主矣晉人許之
如楚楚亦許之如齊齊人難之陳文子曰晉楚許之我
馬得已且人曰弭兵而我弗許則固攜吾民矣將馬用
之齊人許之告於秦秦亦許之皆告於小國為會於宋
五月甲辰晉趙武至於宋丙午鄭良霄至六月丁未朔
宋人享趙文子叔向為介司馬置折俎禮也仲尼使輿
是禮也以為多文辭戊申叔孫豹齊慶封陳湏無衛石
惡至甲寅晉荀盈從趙武至丙辰邾悼公至壬戌楚公
子黑肱先至成言于晉丁卯宋向戌如陳從子木成言
於楚戊辰滕成公至子木謂向戌請晉楚之從交相見
也庚午向戌復於趙孟趙孟曰晉楚齊秦匹也晉之不
能於齊猶楚之不能於秦也楚君若能使秦君辱於救
邑寡君敢不固請於齊壬申左師復言於子木子木使
驛謁諸王王曰釋齊秦他國請相見也秋七月戊寅左

師至是夜也趙孟及子哲盟以齊言庚辰子木至自陳陳孔魚蔡公孫歸生至曹許之大夫皆至以藩為軍晉楚各處其偏伯夙謂趙孟曰楚氛甚惡懼難趙孟曰吾左還入於宋若我何

衛殺其大夫甯

喜衛侯之弟鱄出奔晉

鱄未命故書弟衛侯使鱄與甯喜約而得復國今惡其專政而

殺之鱄以衛侯背已之言懼禍將及而出奔耳何合乎春秋之大義哉

左氏傳衛甯喜專公患之公孫免餘

請殺之公曰微甯子不及此吾與之言矣事未可知祇成惡名止也對曰臣殺之君勿與知乃與公孫無地公

孫臣謀使攻甯氏弗克皆死公曰臣也無罪父子死余矢夏死餘復攻甯氏殺甯喜及右宰穀尸諸朝石惡將

會宋之盟受命而出衣其尸枕之股而哭之欲飲以亡懼不免且曰受命矣乃行子鮮曰逐我者出納我者死賞罰無章何以沮勸君失其信而國無刑不亦難乎且鱄實使之遂出奔晉公使止之不可及河又使止之止

使者而盟於河託於木門不鄉衛國而坐木門大夫勸之仕不可曰仕而廢其事罪也從之昭吾所以出也將誰愬乎吾不可以立於人之朝矣終身不仕公喪之如稅服終身公與免餘邑六十辭曰唯卿備百邑臣六十矣下有上祿亂也臣弗敢聞且甯子唯多邑故死臣懼死之速及也公固與之受其半以為少師公使為卿辭曰大叔儀不貳能贊大事君其命之乃使文子為卿公羊傳衛殺其大夫甯喜則衛侯之弟鱄曷為出奔晉為殺甯喜出奔也曷為為殺甯喜出奔衛甯殖與孫林父逐衛侯而立公孫剽甯殖病將死謂喜曰黜公者非吾意也孫氏為之我即死女能固納公乎喜曰諾甯殖死喜立為大夫使人謂獻公曰黜公者非甯氏也孫氏為之吾欲納公何如獻公曰子苟欲納我吾請與子盟喜曰無所用盟請使公子鱄約之獻公謂公子鱄曰甯氏將納我吾欲與之盟其言曰無所用盟請使公子鱄約之子固為我與之約矣公子鱄辭曰夫負羈繫執鉄

鏘從君東西南北則是臣僕庶孽之事也若夫約言為信則非臣僕庶孽之所敢與也獻公怒曰黜我者非甯氏與孫氏凡在爾公子鱣不得已而與之約已約歸至殺甯喜公子鱣挈其妻子而去之將濟于河攜其妻子而與之盟曰苟有履衛地食衛粟者昧雉彼視穀梁傳稱國以殺罪累上也甯喜弑君其以累上之辭言之何也嘗為大夫與之涉公事矣甯喜由君弑君而不以弑君之罪罪之者惡獻公也專喜之徒也專之為喜之徒何也已雖急納其凡與人之臣謀弑其君是亦弑君者也專其曰弟何也專有是信者君賂不入乎喜而殺喜是君不直乎喜也故出奔晉織駒邯鄲終身不言衛專之去合乎春秋胡氏傳甯喜既坐弑君之罪矣不以討賊之詞何也初衛侯使與喜言苟反政由甯氏祭則寡人甯氏納之衛侯復國患甯喜之專也公孫免餘請殺之曰微甯氏不及此吾與之言矣對曰臣殺之君勿與知乃攻甯氏殺喜尸諸朝子鮮曰逐我者出納我

者死賞罰無章何以勸沮君失其信而國無刑不亦難乎故稱國以殺而不去其官衛侯之入使鱄與甯喜約言既殺甯喜鱄病失言遂出奔晉託於木門不鄉衛國而坐木門大夫勸之仕不可曰仕而廢其事罪也從之昭吾所以出也吾不可以立於人之朝矣終身不仕其稱弟罪衛侯也穀梁子曰鱄之去合乎春秋

秋七

月辛巳豹及諸侯之大夫盟于宋

大夫列會而盟伯權愈壞世變愈下矣

左氏傳辛巳將盟於宋西門之外楚人衷甲伯州犂曰合諸侯之師以為不信無乃不可乎夫諸侯望信於楚是以來服若不信是棄其所以服諸侯也固請釋甲子木曰晉楚無信久矣事利而已苟得志焉焉用有信大宰退告人曰令尹將死矣不及三年求逞志而棄信志將逞乎志以發言言以出信信以立志參以定之信亡何以及三趙孟患楚衷甲以告叔向叔向曰何害也匹夫一為不信猶不可單斃其死若合諸侯之卿以為不

信必不捷矣。食言者不病，非子之患也。夫以信召人而
以僭濟之，必莫之與也。安能害我？且吾因宋以守病，則
夫能致死與宋致死，雖倍楚可也。子何懼焉？又不及是
曰：弭兵以召諸侯，而稱兵以害我，吾庸多矣。非所患也。
公羊傳：曷為再言弔？殆諸侯也。曷為殆諸侯？為石惡
在是也。曰：惡人之徒在是矣。穀梁傳：梁之會諸侯
在而不曰諸侯之大夫，大夫不臣也。晉趙武耻之，豹云
者恭也。諸侯不在而曰諸侯之大夫，大夫大也。其臣恭
也。晉趙武為之會也。胡氏傳：此一地也。曷為再言宋
書之重詞？之復其中必有大美惡焉。宋之盟合左師，欲
弭諸侯之兵以為名，而楚屈建請晉楚之從交相見，自
是中國諸侯南向而朝楚，及申之會，蠻荒之君塞弒之
賊大合。十有一國之衆而用齊桓召陵之禮，宋左師鄭
子產皆獻禮焉。宋世子佐以後至遂辭而不見，伐吳滅
賴，無敢違者。聖人至是哀人倫之滅傷中國之衰，而其
事自宋之盟始也。故會盟同地而再言宋者，貶之也。或

者乃以宋之盟中國不出楚人不入玉帛之使交乎天下以尊周室為晉趙武楚屈建之功而善此盟也其說

誤

冬十有二月乙亥朔日有食之

丙辰二十有八年春無冰

冬溫也左氏傳梓慎曰今茲

必饑玄枵虛中也枵耗名也土虛而民耗不饑何為

夏衛石惡出奔晉

左氏傳衛人討甯氏之黨故石惡出奔晉衛人立其從子圃以守石氏之

也祀禮邾子來朝

左氏傳邾悼公來朝時事也

秋八月大雩

左氏傳旱也

仲

孫錫如晉

罷盟而聘也左氏傳孟孝伯如晉告將為宋之盟故如楚也蔡侯之如晉也鄭伯使游吉

如楚及漢楚人還之曰宋之盟君實親辱今吾子來寡君謂吾子姑還吾將使駟奔問諸晉而以告子大叔曰

宋之盟君命將利小國而亦使安定其社稷鎮撫其民人以禮承天之休此君之憲令而小國之望也寡君是故使吉奉其皮幣以歲之不易聘於下執事今執事有命曰女何與政令之有必使而君棄而封守跼涉山川蒙犯霜露以逞君心小國將君是望敢不唯命是聽無乃非盟哉之言以闕君德而執事有不利焉小國是懼不然其何勞之敢憚子大叔歸復命告子展曰楚子將死矣不脩其政德而貪昧於諸侯以逞其願欲父得乎周易有之在復三之願三曰迷復凶其楚子之謂乎欲復其願而棄其本復歸無所是謂迷復能無凶乎君其往也送葬而歸以快楚心楚不幾十年未能恤諸侯也吾乃休吾民也裨竈曰今茲周王及楚子皆將死歲棄其次而旅於明年之次

冬齊慶封來奔

左氏傳齊慶封好田而嗜酒與

慶舍政則以其內實遷于盧蒲嫫氏易內而飲酒數日國遭朝馬使諸亡人得賊者以告而反之故反盧蒲癸

癸臣子之有寵妻之慶舍之士謂盧蒲癸曰男女辨姓
子不辟宗何也曰宗不余辟余獨焉辟之賦詩斷章余
取所求焉惡識宗癸言王何而反之二人皆嬖使執寢
戈而先後之公膳日雙雞饗人竊更之以驚御者知之
則去其肉而以其汨饋子推子尾怒慶封告盧蒲癸盧
蒲癸曰譬之如禽獸吾寢處之矣使析歸父告晏平仲
平仲曰嬰之衆不足用也知無能謀也言弗敢出有盟
可也子家曰子之言云又焉用盟告北郭子車子車曰
人各有以事君非佐之所能也陳文子謂桓子曰禍將
作矣吾其何得對曰得慶氏之木百車於莊文子曰可
慎守也已盧蒲癸王何卜攻慶氏示子之兆曰或卜攻
雖敢獻其兆子之曰克見血冬十月慶封田於萊陳無
字從丙辰文子使召之請曰無字之母疾病請歸慶季
卜之示之兆曰死奉龜而泣乃使歸慶嗣聞之曰禍將
作矣謂子家速歸禍作必於嘗歸猶可及也子家弗聽
亦無悛志子息曰亡矣幸而獲在吳越陳無字濟水而

我舟發梁盧蒲姜謂癸曰有事而不告我必不捷矣癸告之姜曰夫子愼莫之止將不出我請止之癸曰諾十一月乙亥嘗于太公之廟慶舍莊事盧蒲姜告之且止之弗聽曰誰敢者遂如公麻嬰為尸慶集為上獻盧蒲姜王何執寢戈慶氏以其甲環公宮陳氏鮑氏之圉人為優慶氏之馬善驚士皆釋甲束馬而飲酒且觀優至於魚里樂高陳鮑之徒介慶氏之甲子尾袖桷擊扉三盧蒲癸自後刺子之王何以戈擊之解其左肩猶援廟桷動於薨以俎壺投殺人而後死遂殺慶繩麻嬰公懼鮑國曰羣臣為君故也陳湏無以公歸旆服而如內宮慶封歸遇告亂者丁亥伐西門弗克還伐北門克之入伐內宮弗克反陳于獄請戰弗許遂來奔獻車於季武子姜澤可以鑑展莊叔見之曰車甚澤人必瘁宜其亡也叔孫穆子食慶封慶封汜祭穆子不說使工為之誦茅鴟亦不知既而齊人來讓奔吳吳句餘子之朱方聚其族焉而居之富於其舊子服惠伯謂叔孫曰天殆富

淫人慶封又富矣穆子曰善人富謂之賞淫人富謂之殃天其殃之也其將聚而殲旃

十有一月

公如楚

罷盟而朝也楚彊故公自往晉伯不韜可知矣左氏傳為宋之盟故公及宋公陳侯鄭伯許

男如楚公過鄭鄭伯不在伯有廷勞於黃崖不敬穆叔曰伯有無戾於鄭鄭必有咎敬民之主也而棄之何

以承守鄭人不討必受其辜濟澤之阿行潦之蘋藻寘諸宗室季蘭尸之敬也敬可棄乎及漢楚康王卒公欲

反叔仲昭伯曰我楚國之為豈為一人行也子服惠伯曰君子有遠慮小人從邇飢寒之不恤誰遑其後不如

姑歸也叔孫穆子曰叔仲子專之矣子服子始學者也榮成伯曰遠圖者忠也公遂行宋向戌曰我一人之為

非為楚也飢寒之不恤誰能恤楚姑歸而息民待其立君而為之備宋公遂反十有二月甲寅

天王崩

周靈王崩太子貴立是為景王不書葬不往會也左氏傳未來赴亦未書禮也乙未楚

子昭卒

康王名昭子邲敖丘子喪之如同盟禮也

左氏傳楚屈建卒趙文胡氏傳甲寅天王崩乙

未楚子昭卒相距四十二日則閏月之驗也不以閏書見喪服之不數閏也齊景公葬書閏月明殺恩之非禮也

丁巳二十有九年春王正月公在楚

公歲首在楚也公嘗歲首在晉矣而不書

蓋天王崩而公不往乃為楚所留而在楚聖人傷時之甚故特書之左氏傳釋不朝正于廟也楚人使公親

禭公患之穆叔曰祓殯而禭則布幣也乃使巫以桃茢先祓殯楚人弗禁既而悔之公羊傳何言乎公在楚

正月以存居也穀梁傳閏公也胡氏傳歲之首月公如他國者有矣此獨書公在楚者外為蠻荆所制以

俟其葬而不得歸內為疆臣所逼欲擅其國而不敢入故持書所在以存君也案左氏楚人使公親禭夏四月

送楚子葬至于西門之外還及方城季武子取卞以自封使公治告曰聞守卞者將叛臣帥師徒以討既得之矣公曰欲而言叛祇見疏也吾不可以入矣將適諸侯有賦式微者乃歸故特於歲首朝正之時而書曰公在楚使後世臣子戴天履地視君父之危且困者必有天威不遠願咫尺食坐見於羹牆之意而不以頃刻忘也此義一行豈敢有顧其身與妻子與其家而不恤國朋附權臣以圖富貴而背其君者乎

夏五月公

至自楚

左氏傳夏四月葬楚康王公及陳侯鄭伯許男送葬至于西門之外諸侯之大夫皆至于墓楚

邾敖即位王子圍為令尹鄭行人子羽曰是謂不宜必代之昌松柏之下其草不殖公還及方城季武子取卞使公治問璽書追而與之曰聞守卞者將叛臣帥徒以討之既得之矣敢告公治致使而退及舍而後聞取卞公曰欲之而言叛祇見疏也公謂公治曰吾可以入乎對曰君實有國誰敢違君公與公治冕服固辭殯之而

後受公欲無入榮成伯賦式微乃歸五月公至自楚公治致其邑於季氏而終不入焉曰欺其君何必使余季孫見之則言季氏如他日不見則終不言季氏及疾聚其臣曰我死必無以冕服歛非德賞也且無使季氏葬我穀梁傳喜之也致君者殆其往而喜其反此致君之意義也

庚午衛侯伋卒

獻公名伋

子惡立是

閹弒吳子餘祭

閹守門者之稱左氏守舟之說非也弟餘昧立左氏傳

吳人伐越獲俘焉以為閹使守舟吳子餘祭觀舟閹以刀弒之公羊傳閹者何門人也刑人也刑人則曷為謂之閹刑人非其人也君子不近刑人近刑人則輕死之道也穀梁傳閹門者也寺人也不稱名姓閹不得齊於人不稱其君閹不得君其君也禮君不使無恥不近刑人不狎敵不遇怨賤人非所責也貴人非所刑也刑人非所近也舉至賤而加之吳子吳子近刑人也閹弒吳子餘祭仇之也胡氏傳穀梁子曰閹門者寺人

也不稱名姓閹不得齊於人不稱其君閹不得君其君也禮君不使無恥不近刑人不狎敵不過怨賤人非所貴也貴人非所刑也刑人非所近也舉至賤而加之吳子吳子近刑人也閹弑吳子餘祭仇之也左氏以為伐越獲俘焉以為閹使守舟吳子觀仲孫羯會晉荀盈齊舟閹以刀弑之亦過怨之失也

高止宋華定衛世叔儀鄭公孫段曹人莒人滕人薛人

小邾人城杞

荀氏盈名高氏止名世叔氏儀名鄭公孫名段皆三命大夫曹莒滕薛小邾書人微

者也

左氏傳晉平公杞出也故治杞六月知悼子合

諸侯之大夫以城杞孟孝伯會之鄭子大叔與伯石往

子大叔見大叔文子與之語文子曰甚乎其城杞也子

大叔曰若之何哉晉國不恤周宗之闕而夏肆是屏其棄諸姬亦可知也已諸姬是棄其誰歸之吉也聞之棄同即異是謂離德詩曰協比其鄰昏姻孔云穀梁傳

古者天子封諸侯使其地足以容其民其民足以滿城以自守也杞危而不能自守故諸侯之大夫相帥以城之此變之正也胡氏傳晉平公杞出也故合諸侯之大夫以城杞古之建國立家者必親九族然有父族而後及母族有母族而後有妻族此葛藟之詩所為次也晉主夏盟令行中國平公不能修文襄悼公之業尊獎王室恤宗周之闕而夏肆是屏輕棄諸姬可謂知本乎平王惟不撫其民而遠屯戍于母家周人怨思焉揚之水所以降為國風不得列於雅也城

晉侯使士鞅來聘

士

鞅名三命大夫報聘也左氏傳范獻子來聘拜城杞也公享之展莊叔執幣射者三耦公臣不足取於家臣家臣展瑕展玉父為一耦公臣公巫召伯仲願莊叔為一耦鄫鼓父黨叔為一耦晉侯使司馬女叔侯來治杞田弗盡歸也晉悼夫人愠曰齊也取貨先君若有知也不尚取之公告叔侯叔侯曰虞虢焦滑霍揚韓魏皆姬

姓也晉是以大若非侵小將何所取武獻以下兼國多矣誰得治之杞夏餘也而即東夷魯周公之後也而睦於晉以杞封魯猶可而何有焉魯之於晉也職貢不乏玩好時至公卿大夫相繼於朝史不絕書府無虛月如是可矣何必瘠魯以肥杞且先君杞子來盟前定例書而有知也毋寧夫人而馬用老臣來盟左氏傳杞文公來盟吳子使札來聘札延陵季子名也再書曰子賤之也

吳子使札來聘

札延陵季子名也再命例書名非貶也

左氏傳公子札來聘見叔孫穆子說之謂穆子曰子其不得死乎好善而不能擇人吾聞君子務在擇人吾子為魯宗卿而任其大政不慎舉何以堪之禍必及子請觀於周樂使工為之歌周南召南曰美哉始基之矣猶未也然勤而不怨矣為之歌邶鄘衛曰美哉淵乎憂而不困者也吾聞衛康叔武公之德如是是其衛風乎為之歌王曰美哉思而不懼其周之東乎為之歌鄭曰美哉其細已甚民弗堪也是其先亡乎為之歌齊曰美哉

泱泱乎大風也哉表東海者其大公乎國未可量也為之歌幽曰美哉蕩乎樂而不淫其周公之東乎為之歌秦曰此之謂夏聲夫能夏則大大之至也其周之舊乎為之歌魏曰美哉颯颯乎大而婉陰而易行以德輔此則明主也為之歌唐曰思深哉其有陶唐氏之遺民乎不然何憂之遠也非令德之從誰能若是為之歌陳曰美哉思而不貳怨而不言其周德之衰乎猶有先王之遺民焉為之歌大雅曰廣哉熙熙乎曲而有直體其文王之德乎為之歌頌曰至矣哉直而不倨曲而不屈邇而不偏遠而不攜邇而不淫復而不厭哀而不愁樂而不荒用而不匱廣而不宣施而不費取而不貪處而不底行而不流五聲和八風平節有度守有序盛德之所同也見舞象箏南籥者曰美哉猶有憾見舞大武者曰美哉周之盛也其若此乎見舞韶濩者曰聖人之弘也而猶有慙德聖人之難也見舞大夏者曰美哉勤而不德

非禹其誰能修之見舞韶前者曰德至矣哉大矣如天之無不濤也如地之無不載也雖甚盛德其蔑以加於此矣觀止矣若有他樂吾不敢請已其出聘也通嗣君也故遂聘於齊說晏平仲謂之曰子速納邑與政無邑無政乃免於難齊國之政將有所歸未獲所歸難未歇也故晏子因陳桓子以納政與邑是以免於樂高之難聘於鄭見子產如舊相識與之縞帶子產獻紵衣焉謂子產曰鄭之執政侈難將至矣政必及子子為政慎之以禮不然鄭國將敗適衛說蘧瑗史狗史鰌公子荆公叔發公子朝曰衛多君子未有患也自衛如晉將宿於戚聞鍾聲焉曰異哉吾聞之也辯而不德必加於戮夫子獲罪於君以在此懼猶不足而又何樂夫子之在此也猶燕之巢于幕上君猶在殯而可以樂乎遂去之文子聞之終身不聽琴瑟適晉說趙文子韓宣子魏獻子曰晉國其萃於三族乎說叔向將行謂叔向曰吾子勉之君侈而多良大夫皆富政將在家吾子好直必思自

免於難 公羊傳吳無君無大夫此何以有君有大夫
賢季子也何賢乎季子讓國也其讓國奈何謁也餘祭
也夷昧也與季子同母者四季子弱而才兄弟皆愛之
同欲立之以為君謁曰今若是進而與季子國季子猶
不受也請無與子而與弟弟凡迭為君而致國乎季子
皆曰諾故諸為君者皆輕死為勇敢食必祝曰天苟有
吳國尚速有悔於子身故謁也死餘祭也立餘祭也死
夷昧也立夷昧也死則國宜之季子者也季子使而亡
焉僚者長庶也即之季子使而反至而君之爾闔廬曰
先君之所以不與子國而與弟者凡為季子故也將從
先君之命與則國宜之季子者也不從先君之命與
則我宜立者也僚惡得為君乎於是使專諸刺僚而致
國乎季子季子不受曰爾弑吾君吾受爾國是吾與爾
為篡也爾殺吾兄吾又殺爾是父子兄弟相殺終身無
已也去之延陵終身不入吳國故君子以其不受為義
以其不殺為仁賢季子則吳何以有君有大夫以季子

為臣則宜有君者也。札者何？吳季子之名也。春秋賢者不名，此何以名許夷狄者？不壹而足也。季子者，所賢也。曷為不足乎？季子許人，臣者必使臣，許人子者必使子也。穀梁傳：吳其稱子何也？善使延陵季子故進之也。身賢賢也，使賢亦賢也。延陵季子之賢尊君也，其名成尊於上也。胡氏傳：札者，吳之公子，何以不稱公子？貶也。辭國而生亂者，札為之也。故因其來聘而貶之，示法焉。案：吳子壽夢有子四人，長曰諸樊，次曰餘祭，次曰夷末，札具季子也。壽夢賢季子，欲立以為嗣。札辭不可，然後立諸樊。諸樊既除喪，則致國於季子。季子又辭而去之。諸樊乃舍其子而立弟鮒。以次傳必及季子，故諸樊卒而餘祭立，餘祭卒而夷末立，夷末卒則季子宜受命以安社稷，成父兄之志矣。乃徇匹夫之介，節辭位以逃夷末之子僚。僚既立，諸樊之子光曰：「先君所以不與子國而與弟者，凡為季子爾。」將從先君之命，歟？則季子宜有國也。如不從先君之命，則我宜立。僚烏得為君？於是

使專諸刺僚而致國乎季子季子不受去之延陵終身不入吳國故曰季子辭國以生亂因其來聘而貶之示法焉或謂子貢問於孔子曰伯夷叔齊何人也曰古之賢人也怨乎曰求仁而得仁又何怨子貢以先聖賢夷齊知其惡衛輒之爭而不為也季子辭位獨不為賢而奚貶乎曰叔齊之德不越伯夷孤竹舍長而立幼私意也諸樊兄弟父子無及季札之賢者其父兄所為眷眷而欲立札公心也以其私意故夷齊讓國為得仁而先聖之所賢以其公心故季子辭位為生亂而春秋之所貶苟比而同之過矣或曰世衰道微暴行交作臣篡其君者有之子篡其父者有之季子於是焉而辭位則將使聞其風者貪夫廉爭夫讓而篡弑奪攘之禍損矣其於名教豈不有補何貶之深也曰春秋達節而不守者也昔太伯奔吳而不反季歷嗣位而不辭武王繼統受命作周亦不以配天之業讓伯邑考官天下也彼王僚無季歷之賢武王之聖而季子為泰伯之讓豈至德乎

使爭執禍興覆師喪國其誰階之也若季子之辭位守節立名全身自牧則可矣緊諸聖王之道則過矣中庸曰道之不明不行也我知之矣季子所謂賢且智過而不得其中者也使由於季歷武王之義其肯附子臧之節而不受乎惜其擇乎中庸失時措之宜爾此仲尼所以因其辭國生亂而貶之也或曰吳子使札與楚子使椒秦伯使術一例爾吳楚蠻夷之國秦介戎狄之間其禮未同於中夏故使人之來皆略之而札何以獨為貶乎曰春秋多變例聖筆有特書荆楚無大夫而屈完書族王朝下士以人通而子突書字諸侯公子以名著而季友書子母弟之無列者不登其姓名而叔盱書氏皆賢而特書者也季札讓國天下賢之若仲尼亦賢季札必依此例或以字或以氏或以公子特書之矣今乃略以名紀比於楚椒秦術之流無異稱馬是知仲尼不以其讓國為賢而貶之也噫世之君子盛稱季札之賢於讓國之際以為禮之大節不可亂也公子喜時春秋猶

賢其後世於季札則何獨貶之深也曰仲尼於季子望之深矣責之備矣惟與天地同德而達乎時中然後能與於此非聖人莫能修之豈不信夫

秋九月葬衛獻公

會衛侯葬而不會天玉葬失道可知

齊高止出奔北燕

北燕姬姓伯爵國在今大都路大興縣古燕城左氏傳秋九月齊公孫

薑公孫竈放其大夫高止於北燕乙未出書曰出奔罪高止也高止好以事自為功且專故難及之穀梁傳

其曰北燕從史文也

冬仲孫羯如晉

報聘也左氏傳孟孝伯如晉報范叔也

戊午三十年春王正月楚子使薳罷來聘

薳氏罷名三命大夫左氏傳

通嗣君也穆叔問王子之為政何如對曰吾儕小人食而聽事猶懼不給命而不免於戾焉與知政固問焉不告穆叔告大夫曰楚令尹將有大事子蕩將與焉助之匿其情矣

夏四月蔡世子般弑

其君固

景侯名固子般立是為靈侯臣子弑君父惡之大者也

左氏傳夏四月己亥鄭伯及其大夫

盟君子是以知鄭難之不已也蔡景侯為太子般娶于楚通焉太子弑景侯穀梁傳其不日子奪父政是謂

夷五月甲午宋災宋伯姬卒

左氏傳或咷于宋大廟曰

曰諱諱甲午宋大災宋伯姬卒待姆也君子謂宋共姬女而不婦女待人婦義事也穀梁傳取卒之日加之

災上者見以災卒也其見以災卒奈何伯姬之舍失火左右曰夫人少辟火乎伯姬曰婦人之義傳母不在宵

不下堂左右又曰夫人少辟火乎伯姬曰婦人之義保母不在宵不下堂遂逮乎火而死婦人以貞為行者也

伯姬之婦道盡矣詳其事賢伯姬也胡氏傳穀梁子曰取卒之日加之災上者見其災卒也伯姬之舍失火

左右曰夫人少辟火乎曰婦人之義傳母不在宵不下堂遂逮乎火而死婦人以貞為行者也伯姬之婦道盡

笑詳其事賢伯姬也易曰恒其德貞婦人吉夫子凶而或以為共姬女而不婦非也世衰道微暴行交作女德不貞婦道不明能全其節守死不回見於春秋者宋伯姬耳聖人冠以夫謚書於春秋曰蔡宋共姬以著其賢行勵天下

天王殺其弟佞夫王子瑕奔晉

夫王弟名佞夫王子名瑕

佞夫見殺而瑕懼罪故奔晉左氏傳初王儋季卒其子括將見王而歎卑公子愆期為靈王御士過諸廷聞其歎而言曰嗚呼必有此夫入以告王且曰必殺之不感而願大視躁而足高心在他矣不殺必害王曰童子何知及靈王崩儋括欲立王子佞夫佞夫弗知戊子儋括圖為逐成愆成愆奔平時五月癸巳尹言多劉穀單蔑甘過輩成殺佞夫括瑕廖奔晉書曰天王殺其弟佞夫罪在王也殺梁傳傳曰諸侯且不首惡況於天子乎君無忌親之義天子諸侯所親者唯

秋七月叔弓如

長子母弟觸天王殺其弟佞夫甚之也

宋葬宋共姬

也

叔氏弓名魯三命大夫公羊傳外夫人不書葬此何以書隱

左氏傳葬共姬

之也何隱爾宋災伯姬卒焉其稱議何賢也何賢爾宋災伯姬存焉有司復曰火至矣請出伯姬曰不可吾聞之也婦人夜出不見傳母不下堂傳至矣母未至也連乎火而死教梁傳外夫人不書葬此其言葬何也吾

女也卒災故隱而葬之也

鄭良霄出奔許自許入于鄭鄭人殺良霄

自許入許納之也不稱大夫位已絕也左氏傳鄭伯有者酒為窟室而夜飲酒擊鍾焉朝至未已朝者曰公焉在其人曰吾公在壑谷皆自朝布路而罷既而朝則又將使子皙如楚歸而飲酒庚子子皙以駟氏之甲伐而焚之伯有奔雍梁醒而後知之遂奔許大夫聚謀子皮曰仲虺之志云亂者取之亡者侮之推亡固存國之利也罕駟豐同生伯有汰侈故不免人謂子產就直助疆子產曰豈為我徒國之禍難誰知所救或主強直難

乃不生姑成吾所幸丑子產斂伯有氏之死者而殯之
不及謀而遂行印段從之子皮止之衆曰人不我順何
止馬子皮曰夫子禮於死者況生者乎遂自止之壬寅
子產入癸卯子石入皆受盟於子皙氏乙巳鄭伯及其
大夫盟于大宮盟國人之師之梁之外伯有聞鄭人之
盟已也怒聞子皮之甲不與攻已也喜曰子皮與我矣
癸丑晨自墓門之潰入因馬師頡介于襄庫以伐舊北
門駟帶率國人以伐之皆召子產子產曰兄弟而及此
吾從天所與伯有死於羊肆子產禴之枕之股而哭之
斂而殯諸伯有之臣在市側者既而葬諸斗城子駟氏
欲攻子產子皮怒之曰禮國之幹也殺有禮禍莫大焉
乃止於是游吉如晉還聞難不入復命于介八月甲子
奔晉駟帶追之及酸棗與子上盟用而珪質于河使公
孫盱入盟大夫己巳復歸書曰鄭人殺良霄不稱大夫
言自外入也於子蟠之卒也將葬公孫揮與裨黷晨會
事焉過伯有氏其門上生莠子羽曰其莠猶在乎於是

歲在降婁降婁中而旦禪竈指之曰猶可以終歲歲不及此次也已及其亡也歲在姬訾之口其明年乃及降婁僕展從伯有與之皆死羽頡出奔晉為任大夫難澤之會鄭樂成奔楚遂適晉羽頡因之與之比而事趙文子言伐鄭之說焉以宋之盟故不可子皮以公孫鉏為馬師穀梁傳不言大夫惡之也胡氏傳案左氏良霄汰侈嗜酒諸大夫皆惡之而與公孫黑爭黑因其醉伐之良霄奔許自許襲鄭以伐公門弗勝死于羊肆不言復入者其位未絕也若宋魚石若晉樂盈去國三年其稱復入位已絕矣不言叛者將以滅國非直叛也若華夷之入南里宋辰之入蕭其書叛者皆據土背君以自保未有滅國之謀也不言殺其大夫者非其大夫矣

討賊之

冬十月葬蔡景公

被弑是以緩葬公羊傳賊未討何以書葬君子辭也穀梁

傳不日卒而月葬不葬者也卒而葬之不忍使父失民於子也胡氏傳春秋大法君弑而賊不討則不書葬

況世子之於君父子蔡景公何以獨書葬遍刺天下之諸侯也葬送之禮在春秋時視人情之疏密而為之者也有嘗同盟卒而不赴者有雖同姓赴而不會者則以哀死而致趨為輕弔生而歸賻為重必矣今蔡世子般弑其君藏在諸侯之策而往會其葬是恩義情理之為於世子般不以為賊而討之也人之所以異於禽獸者以其有天理之存耳以其有父子之親君臣之義耳世子弑君是誠為禽獸之不若也而不知討豈不廢人倫滅天理乎故春秋大法君弑賊不討則不書葬而蔡景公特書葬者聖人深痛其所為遍刺天下之諸侯也魯隱宋殤之賊不討則不書葬蔡景公賊亦不討而特書葬猶閔僖二公不承國於先君則不書即位桓宣篡弑以立而反書之也何以知聖人罪諸侯之意如此乎晉以下文書會于澶淵宋災故而貶其大夫則知之矣

人齊人宋人衛人鄭人曹人莒人邾人滕人薛人杞人

小邾人會于澶淵宋災故

諸國以宋災故為會也魯不在會故書其故人一命之微

者也曰貶者非

左氏傳

為宋災故諸侯之大夫會以

謀歸宋財冬十月

叔孫豹

會晉趙武齊公孫蕢宋向戌

衛北宮佗鄭罕虎及小邾之大夫會于澶淵既而無歸

于宋故不書其人君子曰信其不可不慎乎澶淵之會

卿不書不信也夫諸侯之上卿會而不信寵名皆棄不

信之不可也如是詩曰文王陟降在帝左右信之謂也

又曰淑慎爾止無載爾偽不信之謂也書曰某人某人

會于澶淵宋災故尤之也不書魯大夫諱之也公羊

傳宋災故者何諸侯會于澶淵凡為宋災故也會未有

言其所為者此言所為何錄伯姬也諸侯相聚而更宋

之所喪曰死者不可復生爾財復矣此大事也曷為使

微者卿也卿則其稱人何貶曷為貶卿不得憂諸侯也

穀梁傳會不言其所為其曰宋災故何也不言災故

則無以見其善也其曰人何也救災以眾何救焉更宋

之所喪財也。澶淵之會，中國不侵伐夷狄，夷狄不入中國，無侵伐八年，善之也。晉趙武、楚屈建之力也。胡氏傳二百四十二年之間，列會亦衆，而未有言其所為者。此獨言其所為何，遍刺天下之大夫也。大夫以智帥人者也。智者無不知，當務之為急，不能三年之喪而總小功之察，放飯流歠而問無齒決，是之謂不知務。蔡世子般弑其君，天下之大變，天理所不容也。則會其葬而不討，宋國有災，小事也，則合十二國之大夫更宋之所喪而歸其財，則可謂知務乎？田常弑簡公，孔子沐浴而朝，告於哀公，請討之。公曰：「告夫三子者。」子曰：「以吾從大夫之後，不敢不告也。」之三子告，不可。子曰：「以吾從大夫之後，不敢不告也。」叔孫豹、晉趙武而下皆諸侯，上卿執國之政者也。三綱國政之本，至於淪絕無父與君，是禽獸也。禽獸傷人雖得天下，弗能一朝處矣。昔者伯禹過門而不入，放龍蛇也。周公坐而俟旦，驅猛獸也。今世子弑君，三綱淪絕，禽獸傷人，則與之同羣而不恤有國者不

戒于火自亡其財苟其來告弔之可也則合十二國之
大夫駐于澶淵而謀更其所喪尚為知類也乎夫蔡之
亂其猶人身有腹心之疾而宋之災譬諸桐梓與雞犬
也謀宋災而不恤蔡之亂奚啻於養桐梓求雞犬不顧
其身有腹心危疾而不知療者哉以為未之察也可謂
不智苟察此而不謀則亦不仁矣是故諸國之大夫貶
而稱人魯卿諱而不書又特言會之所為以垂戒後世
其欲人之自別於禽獸之害也可為深切著明矣或曰
夫穆叔趙孟向戌子皮皆諸侯之良也而所謀若是何
也世衰道微邪說交作以利害謀國家而不知本於仁
義也久矣是以此極孔子所為懼春秋所以作乎

已三十有一年春王正月

無事例書時書首月

夏六月辛巳公薨

于楚宮

薨于路寢正也薨于楚宮非正也左氏傳公作楚宮穆叔曰大誓云民之所欲天必從之君

欲楚也夫故作其宮若不復適楚必死是宮也
六月辛巳公薨于楚宮 穀梁傳楚宮非正也 秋九月

癸巳子野卒

未踰年之君例稱子 左氏傳叔仲帶竊其拱璧以與御人納諸其懷而從取之由

是得罪立胡女敬歸之子子野次于季氏秋九月癸巳卒 穀梁傳子卒日正也 胡氏傳子般子赤弑

而書卒子野過毀亦書卒何以別乎曰閔公內無所承不書即位則子般之弑可知下書夫人姜氏歸于齊上書公子遂叔孫得臣如齊赤之卒也隱而不日則子赤之弑可知與子野異矣子野有命立昭公故穆叔雖不欲而不已亥仲孫羯卒 孟孝伯也 冬十月滕子來會葬癸酉

葬我君襄公

諸國君葬諸大夫往會常也 滕子親會非常也 左氏傳滕成公來會葬情而多涕

子服惠伯曰滕君將死矣急於其位而哀已甚兆於死所矣能無從乎 癸酉葬襄公公薨之月子產相鄭伯以

如晉晉侯以我喪故未之見也子產使盡壞其館之垣而納車馬焉士丈伯讓之曰敕邑以政刑之不修寇盜充斥無若諸侯之屬辱在寡君者何是以令吏人完客所館高其閤閤厚其墻垣以無憂客使今吾子壞之雖從者能戒其若異客何以敕邑之為盟主繕完葺墻以待賓客若皆毀之其何以共命寡君使句稽命對曰以敝邑褊小介於大國誅求無時是以不敢寧居悉索敕賦以來會時事逢執事之不閒而未得見又不獲聞命未知見時不敢輸幣亦不敢暴露其輸之則君之府實也非薦陳之不敢輸也其暴露之則恐燥濕之不時而朽蠹以重敕邑之罪僞聞文公之為盟主也宮室卑庫無觀臺榭以崇大諸侯之館館如公寢庫廡階修司空以時平易道路圻人以時煗館宮室諸侯賓至甸設庭燎僕人巡宮車馬有所宿從有代巾車脂轄隸人牧圉各瞻其事百官之屬各展其物公不留賓而亦無廢事憂樂同之事則巡之教其不知而恤其不足宿至如歸

無寧舊患不畏寇盜而亦不患燥濕今銅鞮之宮數里而諸侯舍於隸人門不容車而不可踰越盜賊公行而天竊不戒竄見無時命不可知若又勿壞是無所藏幣以重罪也敢請執事將何所命之雖君之有魯喪亦救邑之憂也若獲薦幣修垣而行君之惠也敢憚勤勞文伯復命趙文子曰信我實不德而以隸人之垣以羸諸侯是吾罪也使士丈伯謝不敏焉晉侯見鄭伯有加禮厚其宴好而歸之乃築諸侯之館叔向曰辭之不可以已也如是夫子產有辭諸侯賴之若之何其釋辭也詩曰辭之輯矣民之協矣辭之懌矣民之莫矣其知之矣

十有一月莒人弑其君密州

微者例書人

左氏傳莒

立展與又廢之犂比公虐國人患之十一月展與因國人以攻莒子弑之乃立去疾奔齊齊出也展與吳出也書曰莒人弑其君買朱鉏言罪之在也胡氏傳經以傳為案傳有平繆則信經而棄傳可也若密州之事是

矣左氏稱莒子生去疾及展與既立展與又廢之莒子
虐國人患焉展與因國人以攻莒子弑之乃立信斯言
則子弑其父也而春秋有不書乎故趙匡謂其文當曰
展與因國人之攻莒子弑之乃立而後來傳寫誤為以
字爾左氏傳通諸史叙事尤詳能令後人得見本末因
以求意經文可知而門弟子轉相傳授日月既久浸失
本真如書晉趙盾許世子止等事詳者傳之所載以求
經之大義可也而傳不可疑如莒人弑其君密州獨依
經之所書以證傳之謬誤可也而傳不可信盡以為可
疑而廢傳則無以知其事之本末盡以為可信而任傳
則經之引意大旨或泥而不通矣
要在學者詳政而精擇之可也

春秋集傳釋義大成卷九